

摘藻堂四庫全書薈要

經部

欽定四庫全書薈要

經部

周易會通卷二



詳校官祭酒臣韋謙恒

欽定四庫全書薈要卷四百二十二

經部

周易經傳集程朱解附錄纂註卷二

元 董真卿 撰

經

坤上

坤下

元亨利牝馬之貞

○音訓坤陸氏曰本又作从从今字也同

陸氏

反牝

集解

程子曰坤乾之對也四德同而貞體則異乾以剛固為貞坤則作以柔順而一

作為貞牝馬柔順而健行

附錄

程子語利字不聯牝馬為義如云利牝馬之貞

則坤便是有三德羅氏拾遺○朱子語問牝馬取其柔順健行之象坤順而言健何也曰守得這柔順亦自堅

確故有健象柔順而不堅確則不可以配乾矣銖利牝馬之貞不可將利字自作一句後云主利却當如此絕

句此伊川只為泥那四德

纂註

馮氏椅曰天一地二故

所以如此說不通必大乾畫奇坤畫耦乾一而

圖其精為日坤二而闕其精為月故於文日圓而一月

闕而二日月為陰陽代明之義○李氏過曰牝馬能載

而又能生育所以為坤之貞○項氏曰四明樓尚書鑰

言北方畜馬蕃庶當游北時每一牡將十牝以出雖千

百為羣各從其牡終不他合此所謂牝馬之貞也蓋物

之牝者皆能順陽而行求其從一而不變莫牝馬之若

也故聖人取以象坤○蔡氏曰

君子有攸往集解

程子曰

乾貞剛健專固坤貞柔順承從

子所行柔順而利且先迷後得主利集解

程子曰陰從陽者也待唱

而和陰而先陽則為迷錯居後乃得其常也主利利萬

物則主於坤生成皆地之功也臣道亦然君令臣行勞

於事者臣附錄程子語先迷後得是一句主利是一句

之職也蓋坤道唯是主利文言後得主而有常

處脫却一
利字迪

西南得朋東北喪朋安貞吉

○音訓喪
陸息浪反
集解

程子曰西南陰方東北陽方陰必從陽離喪其朋類乃能成化育之功而有安貞之吉得其常則安安於常則貞是以吉也○朱子曰一者偶也陰之數也坤者順也陰之性也註中者三畫卦之名也經中者六畫卦之名也陰之成形成莫大於地此卦三畫皆偶故名坤而象地重之又得坤馬則是陰之純順之至故其名與象皆不易也北馬順而健行者陽先陰後陽主義陰主利西南陰方東北陽方安順之為也貞健之守也遇此卦者其占為大亨而利以順健為正如有所往則先迷後得而主於利往西南則得朋往東北則喪朋大抵能安於正則吉

附錄 朱子語利北馬之貞言利於柔順之正而不也利於剛健之正利是箇虛字西南得朋固是好了東北喪朋亦自不妨為有慶坤比乾都是折一半用底易說問東北喪朋西南得朋何也曰陰不比陽陰

只理會得一半不似陽兼得陰故元所不利陰半用故得於西南喪於東北先迷後得亦然自王輔嗣以下皆不知此錯解了錄先迷後得東北西南大槩是陰為陽一半就前後言沒了前一截就四方言沒了東北一截陽却是全體淵問得朋喪朋曰占得坤體從西南方得其朋從東北方失其朋西南陰方東北陽方坤比乾減半輝西南得地與類行自是好東北不得地自然喪朋當乾卦元亨利貞便都好故云利永貞到坤只一半好故云利牝馬之貞即是亦有不利物者乾主義坤便主利占得這卦便主利萬物乃是此卦占得時主有利淵問坤象辭君子有攸往何也曰此是虛字意在下句伊川只見象象辭押勻有柔順利貞君子攸行之語遂解云君子所以行柔順而利且貞恐非也蓋言君子有所往先迷後得主利也錄伊川說東北喪朋處但不知道處添得許纂註郭氏雍曰自君子有攸往以下皆人道多否淵纂註也凡言吉凶皆人道辭○徐氏之祥曰

喪朋便是先迷得朋便是後得○龍氏曰巽離坤兌陰之朋也乾坎艮震陽之朋也○雙湖先生曰文王卦辭取象始此坤自取牝馬象晉錫馬蕃庶亦坤象此象雜占中元亨利牝馬之貞已盡坤之全體君子以下申占辭也君子指筮者畫卦自下而上下體居先上體居後下坤在重坤之下有先迷象迷昏也上坤在初坤之上有利也亦上坤在地上可生物象上坤又有在西南方象得朋巽離兌也下坤又有在東北方象喪朋喪西南之朋也安貞吉其守後天八卦方位安西南之正乎蓋彖辭文王所作西南得朋東北喪朋後天卦位至哉文王之作易也其當西伯之時美里之囚邪味安貞吉之辭文王之心盡於此矣今觀自利牝馬貞而下反覆致戒无非謹守為臣之分使凡居坤位者一守之以貞也萬世而下可想見文王之心且

初六履霜堅冰至○音訓可為不安貞而占者之戒矣

曰如字鄭集解程子曰陰爻稱六陰之盛也八則陽生
玄讀為禮矣非純盛也陰始生於下至微也聖人

於陰之始生以其將長則為之戒陰之始凝而為霜履
霜則當知陰漸盛而至堅冰矣猶小人始雖甚微不可
使長長則至於盛也○朱子曰六陰爻之名陰數六老
而八少故謂陰爻為六也霜陰氣所結盛則水凍而為
冰此爻陰始生於下其端甚微而其勢必盛故其象如
履霜則知堅冰之將至也夫陰陽者造化之本不能相
无而消長有常亦非人所能損益也然陽主生陰主殺
則其類有淑慝之分焉故聖人作易於其不能相无者
既以健順仁義之屬明之而无所偏主至其消長之際
淑慝之分則未嘗不致其扶陽抑陰之意焉蓋所以贊
化育而參天地者其旨深矣不言其附錄朱子語陰陽
占者謹微之意已可見於象中矣有以動靜言
者有以善惡言者如乾元資始坤元資生則獨陽不生
獨陰不成造化周流須是並用如履霜堅冰至則一陰

之生便如一賊這道理在人如何看直看是一般道理橫看是一般道理所以謂之易道夫盈天地之間所以為造化者陰陽二氣之終始盛衰而已陽生於北長於東而盛於南陰始於南中於西而終於北故陽常居左而以生育長養為功其類則為剛為明為公為義而凡君子之道屬焉陰常居右而以夷傷慘殺為事其類則為柔為暗為私為利而凡小人之道屬焉聖人作易畫卦繫辭於其進退消長之際所以示人者深矣又曰易中說到陽處便扶助推移他說到陰處便抑遏壅絕他淵聖人作易常以陽為君子而引翼扶持惟恐其不盛陰為小人而排擯抑默唯恐其不衰問履霜堅冰何以不著占象曰此自分曉占者目前未見有害却有未萌之禍所宜戒謹也砥問履霜堅冰至先生曰陰陽者造化之本所不能无但有淑慝之分蓋陽淑而陰慝陽好而陰不好也猶有晝必有夜有暑必有寒有春夏必有秋冬人有少必有老其消長有常人亦不能損益也

但聖人參天地贊化育於此必有道故觀履霜堅冰至之象必有謹微之意所以扶陽而抑陰也銖如得乾卦上五爻不變而初爻變示人以勿用之理也顯子纂註蔡氏曰也得坤初爻變告人以履霜之漸也

始凝也履象初霜象六堅冰陰氣盛也言霜之積則必有堅冰至戒辭也諸爻曰足曰趾曰拇曰履皆取在下而象初也○張氏汝明曰一陰始生而言履霜堅冰者知微知彰之意○司馬公曰履霜堅冰君子攘惡於未芽杜禍於未萌○李氏舜臣曰初六猶人一步之初故曰履霜霜始凝上无陽以逆之將逆遷有至堅冰之漸矣○雙湖先生曰霜只就初爻取象初六陰始生甚微故象履霜至上六則陰既盛極故象堅冰

直方大不習无不利集解

程子曰三陰位在下故為坤之主統言坤道中正在下地

之道也以直方大三者形容其德用盡地之道矣由直方大故不習而无所不利不習謂其自然在坤道則莫

六二

之為而為也在聖人則從容中道也直方大孟子所謂至大至剛以直也在坤體故以方易剛猶貞加牝馬也言氣則先大大氣之體也於坤則先直方由直方而大也直方大足以盡地道在人識之耳乾坤純體以位相應二坤之主故不取五應不以君道處五也乾則二五相應○朱子曰柔順正固坤之直也賦形有定坤之方也德合无疆坤之大也六二柔順而中正又得坤道之純者故其德内直外方而又盛大不待學習而元不利占者有其德則附錄程子語至大至剛以直此三者不其占如是也

附錄

程子語至大至剛以直此三者不可缺一缺一便不是浩然之氣如

坤所謂直方大是也但坤卦不可言剛言剛則害坤體然孔子於文言又曰坤至柔而動也剛方即剛也釋浩然之氣難識須要認得當行不慊於心之時自然有此氣象然亦未盡須是見至大至剛以直之三德方始見浩然之氣若要見時且看取地道坤六二直方大不習无不利方便是剛大便是大直便是直於坤不言剛而

言方者言剛則害于地道故下一作不復云至柔而動也剛以其先言柔而後云剛无害大只是對小而言是大也剛只是對柔而言是剛也直只是對曲而言是直也如此自然不習无不利坤之六二只為己是地道又是二又是六地道之精純者至如六五便不同欲得學者且只看取地道坤雖是學者之事然亦有聖人之道乾九二是聖人之事坤六二是學者之事聖賢之道其發无二但至一作只有深淺大小入關錄介甫釋直方大云因物之性而生之直也成物之形而不可易方也人見似好只是不識理如此是物先有箇性坤因而生之是甚義理全不識也釋○朱子語劉礪問坤卦直方大不習无不利曰坤是純陰一卦諸爻皆不中正五雖中亦以陰居陽唯六二居中得正為坤之最盛者故以象言之則有是三德而不習无不利占者得之有是則吉文蔚占者有直方大之德則不習而无不利占者无此德則雖習而不利也如奢侈之人而得共儉則

吉之占明不共儉者是占為不吉也他皆倣此如此看
自然意思活問不習无不利或以為此是成德之事
或以為學者須時習然後至於不習曰不是如此聖人
作易只是說此爻中有此象若占得此爻便應此事有
此用未說到時習至於不習與成德之事在學者固當
如此然聖人作易未有此意在意說易所以與先儒不
同正在於此錄坤卦中唯這一爻最純粹蓋五雖尊位
却是陽爻破了體了四重陰而不中三又不正唯此爻
得中正所以就這說箇直方大此是說坤卦之本體然
而本意却是教人知道這爻有這箇德不待習學而无
不利人占得這箇時若能直能方能大則亦不習无
利却不是要發明坤道伊川有這箇病從頭到尾皆然
淵問坤六二爻傳曰由直方而大竊意六是坤之本體
安得由直方而後大耶先生曰直方大是坤有此三德
若就人事上說則是敬義立而德不孤豈非由直方而
後大耶時舉王德修說浩然之氣大剛直是氣之體段

實養處是必有事焉以下荅曰孟子浩然之氣要處只在集義是浩然之氣生處夫剛與直伊川須要說是三箇何也大雅云欲配直方大三德荅曰坤直方自是要敬以直內義以方外大是敬義立而德不孤也孔子說或三或五豈纂註司馬公曰直方大直者言其氣方者有定例大雅纂註言其形大者兼形與氣而言○徐氏曰生物而无所回撓非直乎賦形而无所移易非方乎又曰習重習也卜不習吉此言不待重占自无不利以人道言之○馮氏椅曰乾六爻莫盛於五坤六爻莫盛於二何也中而且正乾尊坤卑各盡其道也○項氏曰莆陽鄭厚曰坤爻辭皆協霜韻此當曰直方而已大字疑衍不然屬下句安世謂大字自為句○許氏曰否之時不為窮厄所動豫之時不為逸欲所牽非安於義分者莫能也坤之六二居中履正且又靜而順焉宜其處此而無敗也雖然創物兼人陽之為也柔順貞靜陰之德也以陰之德而遇剝觀則剝傷於柔而觀失於固矣

夫何故時既不同義亦隨異此六爻所以
貴中正而中正之中又有隨時之義也
六三含章可

貞或從王事无成有終集解

程子曰三居下之上得位者也為臣之道當含晦其

章美有善則歸之於君乃可常而得正上无忌惡之心
下得柔一作恭順之道也可貞謂可貞固守之又可以

常久而无悔各一作吝也或從上之事不敢當其成功

唯奉事以守其終耳守職以終其事一有者字臣之道

也○朱子曰六陰三陽内含章美可貞以守然居下之

上不終含藏故或時出而從上之事則始雖無成而後

必有終爻有此象故戒占附錄程子語章外見之物含

者有此德則如此占也章可貞來章有慶須要

反已竊○朱子語伊川說應多不通且如六三便夾些

陽了陰則渾是不發底如六三之爻有陽所以言含章

若元陽何由有章含章為是有陽半動半

靜之父若六四則渾是柔了所以括囊淵纂註王氏大

柔相雜曰文之成曰章剛動而柔縕之含章也○徐氏曰成謂專成无成謂陰承陽但當盡臣道不可有所專成也有終陰之事也陽不足於後代其終者陰也三下卦之終故亦以終言又曰或者不敢自決之辭從者不敢造始之意又曰三與五同功而異位三居下卦之上故又有從王事之象○郭氏忠孝曰六三不正之陰處下卦之上其才為不足其位為過中以順而過中可以含章代終而已○易氏曰三以陰居陽而謂之章猶五以陰居陽而謂之文○龍氏仁夫曰三能含蓄其章美故為可貞固之占居下體上公侯位也剛爻有動意故為或從王事之占陰爻空虚无成功之象河圖地无一而有十為有終之象凡爻有止一象一占有正象占外復著旁象旁占不當為一說強釋之○雙湖先生曰六三不正故戒以可貞坤與乾配者也王事乾九五事也又曰案李衡云貞者正固之稱不可獨訓為正或專一固守而獲吉或不知通變不當固守而守之則凶危

六四括囊无咎无譽集解

程子曰四居近五之位而无相得之義乃上下閉隔之時

其自處以正危疑之地也若晦藏其知如括結囊口而不露則可得无咎不然則有害也既晦藏則无譽矣括古活反譽音餘又音預○朱子曰括囊言結囊口而不出也譽者過實之名謹密如是則无咎而亦无譽矣六四重陰不中故其象占如此蓋
附錄 程子語問括囊事或事當謹密或時當隱遁也還做得在位使否

先生曰六四位是在上然坤之六四却是重陰故曰賢人隱便做不得在位釋○朱子語坤六四爻不止言大臣事在位者便當去未仕者便當隱必大問重陰不中何以見其有括囊之象曰陰而又陰其結塞下開則為括囊矣又問占者必當括囊則无咎何也曰當
纂註 林氏天地閉賢人隱之時若非括囊則有咎矣道夫
栗曰坤為囊荀九家之說○徐氏之祥曰坤為地盛貯萬物囊之象○李氏舜臣曰譽者咎之招六四之所以

无咎者以其无譽也陰晦之世其法當隱身將隱焉用
名世之托隱以求名者皆不能无意于世者也名之一
出而辭之不可則人世吉凶之患將迫逐而不去為君
子者不可以不謹也○許氏曰六四有貞順之德不問
有應與否皆无咎蓋為臣之道子之道妻之道主於
貞順貞順則无過矣○龍氏仁夫曰案朱子當去當隱
之語蓋有功於易若當去不去當隱不隱唯阿乾沒
竊位全身以應括囊之象者小人之流也豈易旨哉

五黃裳元吉集解

程子曰坤雖臣道五實君位故為之
戒云黃裳元吉黃中色裳下服守中

而居下則元吉謂守其分也元大而善也爻象唯言守
中居下則元吉不盡發其義也黃裳既元吉則居尊為
天下大凶可知後之人未達則此義晦矣不得不辨也
五尊位也在它卦六居五或為柔順或為文明或為暗
弱在坤則為居尊位陰者臣道也婦道也臣居尊位昇
莽是也猶可言也婦居尊位女媧氏武氏是也非常之

變一作大不可言也故有黃裳之戒而不盡言也或疑
在革湯武之事猶盡言之獨於此不言何也曰廢典理
之常也以陰居尊位非常之變也○朱子曰黃中色裳
下飾六五以陰居尊中順之德充諸內而見於外故其
象如此而其占為大善之吉也占者德必如是則其占
亦如是矣春秋傳南蒯將叛筮得此爻以為大吉子服
惠伯曰忠信之事則可不然必敗外強內溫忠也和以
率貞信也故曰黃裳元吉黃中之色也裳下之飾也元
善之長也中不忠不得其色下不共不得其飾事不善
不得其極且夫易不可以占險三者有闕筮雖當未也
後蒯果敗此可附錄朱子語易本是箇卜筮之書聖人
以見占法矣因之以明教因其疑以示訓中間
都是正吉不曾有不正而吉大率是為君子設非小人
盜賊所得竊取而用如黃裳元吉須是居中在下方始
會大吉不然則大凶賀孫六五黃裳元吉這是那居中
處下之道乾之九五自是剛健底道理各隨他陰陽自

有一箇道理其為九六不同所以在那五處亦不同這箇五之柔順從那六裏來淵問黃裳元吉伊川解作聖人示戒並舉女媧氏武后之事今考本文无此象這又是象外立教之意否曰不曉這意看來伊川要立議論教人可向別處說不可硬配在易上說此爻何曾有這義都是硬入這意所以說得絮了易說易中言占者有其德則其占如是吉无其德而得是占者却是反說如南蒯得黃裳元吉疑吉矣而蒯果敗者蓋卦辭明言其黃裳則元吉无黃裳之德則不吉也

纂註

蔡氏曰黃裳元吉裳象六〇

它皆倣此如此看自然意思活銖
馮氏椅曰黃以明其為地之色也裳以明其配乾之衣也〇林氏栗曰乾為衣坤為裳五雖尊配乾而為下矣〇李氏舜臣曰乾之九五堯舜之君也坤之六五皋夔稷契之臣也坤六五之應在乾九五乾坤相應者堯舜皋夔之遇合也乾之事業則堯舜二典是也坤之事業則禹皋陶三謨是也合典謨而觀然後堯舜皋夔之事

業可見合乾坤二卦而觀然後君臣之配應可見乾坤定體一純而不雜坤六爻无君位與諸卦六爻自為配應例不同乾為君六爻皆君事坤為臣六爻皆臣道也先儒謂五君位以陰居之為新莽武氏之類此賊教之大者不可无辨○馮氏當可曰天下之變无常社稷有綴旒之危莫不賴腹心之臣從權制變而社稷以安君薨百官總已以聽於冢宰三代之常制然則人臣而行君事无世无之坤之六爻初戒之四戒之上又戒之而五復為戒懼之辭世不幸而至於大變則為臣者不敢犯難而任事為君者終疑其臣於下誰與寄社稷之計不可之大者也亦惟忠誠純至臨大節而不可奪如黃裳者是賴焉而後成社稷之功矣○雙湖先生曰隆山所論甚當然先儒說乃是程傳傳意誠以五為君位不可以臣與婦居之而不知坤既純臣道則六五正大臣之位不得例以君位言矣然使莽姁武之徒居此位其不為莽姁武之禍者亦希矣居此位者其必如六

五黃裳之大臣焉斯可耳善觀程傳者正自不妨益致其戒也○許氏曰坤六居五雖不當位然柔順重厚合於時中有君人之度焉得九二剛中應之則事乃可濟故師泰臨升或吉或无咎而它卦則戒之之辭為尤重蓋陰柔之才不克大

上六龍戰于野其血玄黃集解

程子

事且鮮能永貞故也曰陰從陽者也然盛極則抗而爭六既極矣復進不已則必戰故云戰于野野謂進至於外也既敵矣必皆傷故其血玄黃○朱子曰陰盛之極至與陽爭兩敗俱傷其象如此占者如是其凶可知

附錄

朱子語坤

六爻雖有重輕大槩皆是持守收斂畏謹底意思砥礪問龍戰于野曰乾无對只是一箇物事至陰則有對待大抵陰常虧於陽人傑時舉問坤上六陰極盛而與陽戰爻中乃不言凶且乾之上九猶言有悔此却不言何和曰戰而至於俱傷其血玄黃不言而其凶可知矣時舉子耕問乾上九只言亢坤上六却言戰何也曰乾无

對待只有乾而已故不言坤坤則不可无乾陰體不足
常虧欠若无乾便沒上截大抵陰陽二物本别无陰只

是陽盡處便必大纂註盧氏曰云戰者蓋罪陽之失於防漸
是陰了必大纂註至无陽之嫌野者又罪陰之不能退

避非其所處之位○徐氏曰龍陽象野極外之地上象
陽大陰小陰本不能與陽爭六陰已窮于上十月之卦
也至此陰盛陽微故爻稱龍戰于野說卦又曰戰乎乾
言陰陽相薄也驗諸氣候而可見血傷也玄陽也黃陰
也陰陽既爭則皆不能无傷故又有其血玄黃之象也
○李氏開曰乾位西北而陰窮亦薄陽而戰焉曰龍戰
則是乾來戰不以坤敵乾也春秋書王師敗績于茅戎
以自敗龍戰之義深矣○林氏栗曰龍戰于野是龍與
龍戰也野者天地之際而戰者陰陽之敵也陰陽有敵
故雖坤而稱龍陰陽俱傷故雖乾而稱血主陽而言戰
故曰龍主陰而言傷故曰血乾為赤坤為黑天地之正
色也赤變於黑為玄黑變於赤為黃○馮氏椅曰主龍

而言則知陰不可亢亢則陽必伐之戒陰也以戰而言則知陰不可長長則與陽敵矣戒陽也啓與有扈戰于甘之野正應此爻之象又曰以八卦配方位言之後天八卦乾居西北其辰則亥也以陰陽配十二辰言之陰終於亥其位則坤也陰陽之氣行乎天方位之氣鍾乎地以天氣之坤乘地氣之乾其勢不順其氣相薄故乾陽激而上戰坤陰此萬物

用六利永貞集解

程子曰坤

蟄藏所以待陰陽之定也乾之用九用陰之道也陰道柔而難常故用六之道利在常永貞固○朱子曰用六言凡得陰爻者皆用六而不用八亦通例也以此卦純陰而居首故發之遇此卦而六爻俱變者其占如此辭蓋陰柔而不能固守變而為陽則能永貞矣故戒占者以利永貞即附錄朱子語乾之利貞也自坤而變故不足於元亨云坤利在永貞不知有何闕捩子這坤却不得見他元亨只纂註得他永貞坤之本卦固自有元亨變卦却无重錄纂註

李氏舜臣曰利永貞者慮其侵陽而欲其永守北馬之貞以保其柔順之利也○劉氏曰易道窮則變變則通上六不知通變陰道已窮與陽戰而受傷苟能通變以用六而知永貞於柔順之為利則无戰傷矣○馮氏椅曰乾極矣九將變而為六能用九則不失其為君之道坤極矣六將變而為九能用六則不失其為臣之節用九在元首用六在

大象傳地勢坤君子以厚德載物集

解

程子曰坤道之大猶乾也非聖人孰能體之地厚而其勢順傾故取其順厚之象而云地勢坤也君子觀

坤厚之象以深厚之德容載庶物○朱子曰地坤之象亦一而已故不言重而言其勢之順則見其高下相因之无窮至順極厚

附錄

程子語問坤卦是臣之事人君而无所不載也

有用處否先生曰是何无用如厚德載物人君安可不用迪○朱子語地平則不見其順必其高下層層地去此所以見地勢之坤順人傑地

之勢常有順底道理且如這箇平地面前便有坡陀處
那突然起底也自順淵問地勢猶言高下相因之勢以
其順且厚否曰高下相因只是順若厚又是一箇道理
然惟其厚所以上下只管相因去只見得它順若是薄
底物高下只管相因則傾陷了不能如此之无穷矣惟
其高下相因无穷所以為至順也君子體之惟至厚為
能載物也又曰天行健故君子法之以自彊
不息地勢坤故君子體之以厚德載物錄
天以氣運故曰行地以形載故曰勢。項氏曰東南地
下西北地高有二地然以漸高行者莫覺此坤所以為
順也。○雙湖先生曰坤位西南申方土長生之位生而
不已故厚而无窮。○揚氏萬里曰地之力不厚則載萬
物不勝其重君子之德不厚
則載萬民不勝其衆勢力也
彖傳至哉坤元萬物資生
乃順承天集解
朱子曰此以地道明坤之義而首言元也至極也比大義差緩始者氣之始生

者形之始順承天施地之道也

附錄

朱子語徐煥云萬物資乾以始而有氣資坤以生而有形氣至而生

生則坤元亦通淵

纂註

李氏舜臣曰天地為域中之大均也孔子贊乾曰大而坤則曰至何也尊乾故

也易以陽為大陰為小故乾元曰大哉坤元曰至哉嫌於兩大同贊乃變文而以至哉稱之特以差別乾坤之名分耳論其以一元之氣始生萬物則坤元極至之功與乾元之大一也故乾資始而有氣坤資生而有形此坤元所以為順天而生化也○蔡氏曰至哉亦贊也贊坤元承乾元之大元所不至也生者流形露生之時

坤厚載物德合无疆

○音訓疆陸氏曰或作壇同居良反下同

集解

程子曰

道可謂大矣乾既稱大故坤稱至至義差緩不若大之盛也聖人於尊卑之辨謹嚴如此萬物資乾以始資坤以生父母之道也順承天施以成其功

附錄

程子語天

必相直則四邊當有空缺處空缺處如何地之下豈无天今所謂地者特於一作為天中一物耳如雲氣之聚以其久而不散也故為對凡地動者只是氣動凡所指地者一作損缺處只是土土亦一物爾不可言地更須要知坤元承天是

含弘光大品物咸亨集解

朱子曰言亨也德合

地之道也大臨

无疆謂附錄朱子語資乾以始便資坤以生不爭得靈配乾也

附錄

朱子語資乾以始便資坤以生不爭得靈配乾也

之所纂註蔡氏曰含弘坤之事也光大乾之事也德合始也

纂註

蔡氏曰含弘坤之事也光大乾之事也德合始也

故曰含弘含言无所不容弘言无所不有其動也闢故曰光大光言无所不顯大言无所不被四者坤元之德

牝馬地類行地无疆柔順利貞君子攸行集解

程子曰以含弘

光大四者形容坤道猶乾之剛健中正純粹也含包容也弘寬裕也光昭明也大博厚也有此四者故能成承

一作順天之功品物一作類咸得亨遂取牝馬為象者

以其柔順而健行地之類也行地无疆謂健也乾健坤

順坤亦健乎曰非健何以配乾未有乾行而坤止也其

動也剛不害其為柔也柔順而利貞乃坤德也君子之

所行也君子之道合坤德也○朱子曰言利貞也馬乾

之象而以為地類者牝陰物而馬又行地之物也行地

无疆則順而健矣柔順利貞坤之德也君子攸行人之

所行如坤之德也所行如是則其占如下文所云也

附錄朱子語利牝馬之貞本无四德底意彖中方有之

彖中說四德自不分曉前數句說元亨者却說分

明後面幾句无理會牝馬地類行地无疆便是那柔順

利貞君子攸行本連下面緣它趁押韻後故說在此這

般底難十纂註馮氏椅曰經以有攸往屬下文贊欲便

分理會淵聲韻遂以君子攸行屬上文言君子之

所行者柔順利貞也○雙

湖先生曰馮氏稱彖為贊

先迷失道後順得常西南得

朋乃與類行東北喪朋乃終有慶

○音訓喪陸息浪反

集解

朱子曰陽

大陰小陽得兼陰陰不得兼陽故坤之德常減於乾之半也東北雖喪朋然反之西南則終有慶矣附錄

程子語陰必從陽然後乃終有慶也羅氏拾遺○朱子

語問柔順利貞君子攸行如何曰柔順利貞坤之德也

君子而能柔順堅正則其所行雖先迷而後得雖東北

喪朋反之西南則得朋而有慶以文王八卦論之則

自西北之乾以至東方之震皆父與三男之位也自東

南之巽以至西方之兌皆母與三女之位也故彖辭以

東北為陽方西南為陰方答素樞東北喪朋乃終有慶

既言終有慶則有慶不在今矣為他是箇柔順底物東

北陽方非他所安之地如慢水中魚去急水中不得自

是喪朋喪朋於東北則必反於西南是終有慶也正如

先迷後得為它柔順故先迷柔順而不失乎健故後得

所以卦下言利牝馬之貞喪朋先迷便是牝有慶後得

便是馬將牝馬字分開却形容得意思文蔚曰大抵柔順中正底人做越常過分底事不得只是循時守分時又却自做得他底事曰是如此文蔚又曰牝馬柔順故先迷而喪朋然馬健行却後得而有慶牝馬不可分為二今姑分纂註張子曰坤先迷不知所從故失道後能以見其義順聽則得其常矣○項氏曰東北喪朋乃終有慶者所以發文王言外之意也地之交乎天臣之事乎君婦之歸乎夫皆喪朋之慶也

吉應地无疆

○音訓應陸氏曰應對集解程子曰乾之坤之用陰之為也形而上曰天地之道形而下曰陰陽之功先迷後得以下言陰道也先唱則迷失陰道後和

則順而得其常理西南陰方從其類得朋也東北陽方離其類喪朋也離其類而從陽則能成生物之功終有吉慶也與類行者本也從於陽者用也陰體柔躁故從於陽則能安貞而吉應地道之无疆也陰而不安貞豈

能應地之道象有三无疆蓋不同也德合无疆天之不
已也應地无疆地之无窮也行地无疆馬之健行也○
朱子曰安而且附錄朱子語彖辭乃卜筮辭釋彖則夫
貞地之德也子推其理以釋之也以之吉應地
无疆為卜筮之詞恐記者之誤也荅方士縣安貞之吉
他這分段只到這裏若使妄作以求全時便凶了在人
亦當如此淵未有乾行而坤止此說是且如乾施物坤
不應則不能生物既會生物便是動若不是他健後如
何配乾只是健得來順陰體柔躁只謂他柔所以躁
剛便不躁躁是那欲動而不得動之意剛則便動矣柔
躁不得自守所纂註丘氏曰无疆天德也惟地能合天
以說安貞吉淵之无疆則地亦无疆君子能法地
之无疆則君子亦无疆然則君子法地地
法天皆不出於一天德之无疆而已矣

小象傳履霜

堅冰陰始凝也馴致其道至堅冰也

○音訓履霜堅冰
晁氏曰徐氏无堅

冰二字王昭素以徐氏為然胡先生亦云然凝陸魚冰反馴陸氏曰似遵反向秀云從也徐音訓亦依鄭義

集解

程子曰陰始凝而為霜漸盛則至於堅冰一有也字小人雖微長則漸至於盛故戒於初馴謂習習

而至於盛習因循也○朱子曰案魏纂註項氏曰魏曹志作初六履霜今當從之馴順習也丕時許芸奏

云易傳曰初六履霜陰始凝也无堅冰二字○郭氏京

曰陰始凝也上誤增堅冰字履霜與堅冰時候頗異不

合相連結義疏云初六陰氣之微初寒之始履踐其霜微而漸積乃至堅冰也履霜者從初至三堅冰者從四

至六二之動直以方也不習无不利地道光也集解程子

曰承天而動直以方耳直方則大矣直方之義附錄朱子

其大无窮地道光顯其功順成豈習而後利哉

子

語問坤之六二之動直方曰方是一定不變之意坤受天之氣而生物故其直止是一定輝

含章可

貞以時發也集解

程子曰夫子懼人守文而不達義也又從而明之言為臣處下之道不當

有其功善必含晦其美乃正而可常然義所當為者則以時而發不有其功耳不失其宜乃以時也非含藏終不為也含而不纂註朱氏曰含章者坤之靜為不盡終者也也以時發者坤之動也或從王事

知光大也

○音訓知陸音智

集解

程子曰象只舉上句解義則并及下文它卦皆然或從王

事而能無成有終者是其知之光大也唯其知之光大故能含晦淺暗之人有善唯恐人之不知豈能含章也

括囊无咎慎不害也集解

程子曰能慎如此則无害也

纂註

丘氏曰慎釋括

囊義不害釋无咎義慎則不害矣

黃裳元吉文在中也集解

程子曰黃中之文在

中不過也內積至美而居下故為元吉○朱子曰文在中而見於外也

纂註

鄭氏汝諧曰文在中謂五

爻中緼陽明之義也○余氏曰坤六五黃裳元吉象曰
文在中則止發黃裳義蓋通坤卦皆可言裳唯六五則
為黃裳所以可貴也六二雖中而不文六三雖文而
不中故直方但言其質之中而含章但戒其華之露龍
戰于野其道窮也集解程子曰陰盛至於窮極則必爭而傷也用六永貞

以大終也集解

程子曰陰既貞固不足則不能永終故用六之道利在盛大於終能大於終乃

永貞也○朱子曰初

附錄

朱子語陽為大陰為小大過陰後陽故曰大終小過之類皆是以陰陽而言

坤六爻皆陰其始本小到此陰皆變為陽

纂註

子夏曰

矣所謂以大終也言始小而終大文蔚

柔戒於

於

邪長正乃利也○朱氏曰陽始之陰終之未始離陽故
曰以大終也○程氏曰乾以元為本所以資始坤以貞

為主所以

文言傳坤至柔而動也剛至靜而德方集解

朱子曰剛方釋牝馬之貞也方謂生物有常

附錄

朱子語坤至柔而動也剛只是承天如一氣之施

坤則盡能發生承載非剛安能如此問坤之德恐似此處順只是順理不是柔順之順曰也是柔順只是他

都有力乾行健固是有力坤雖柔順亦是決然恁地順不是柔弱放倒了所以聖人亦說坤至柔而動也剛至

靜而德方道夫

纂註

李氏過曰聖人恐剛字害坤體故曰動也剛動其發用處

後得主而有

常集解

朱子曰程傳曰主下當有利字

纂註

余氏曰程子以主利為一句朱子因之遂以文言後

得主為闕文然彖傳後順得常與後得主而有常意正一律似未見其為闕文也

含萬物而化

光集解

朱子曰復明亨義

纂註

徐氏曰柔剛釋牝馬靜方釋貞後得主而有常再釋利義謂處

後順乾則得其道而主利可以常久也含萬物而化光即含弘光大之義**坤道其順乎承天**

而時行集解

程子曰坤道至柔而其動則剛坤體至靜

物有常陰之道不唱而和故居後為得而主利成萬物

坤之常也含容萬類其功化光大也主字下脫利字坤

道其順乎承天而時行承天之義○此已上申彖傳之

意附錄朱子語問坤至柔而動也剛至靜而德方柔

與剛相反靜與方疑相似何也曰靜元形方有體方謂

生物有常言其德方正一定確然不易而生物有常也

靜言其體則不可得見方纂註李氏舜臣曰坤至柔而

言其德則是其著也鉢動也剛者坤元之運也

至靜而德方者永貞之道也後得主而有常含萬物而

化光則其間亨與利之事也純坤之用始於元而終於

貞而以亨利為其間之功用與乾則一耳獨惟純坤之

義元成而代有終不可先乾而起亦不可後乾而不應

一以柔順為正承天之時而作成物以終其功則得矣
故曰坤道其順乎承天而時行此總言純坤之大體以
為坤用元亨利貞之德者當後天而不可先天也○雙
湖先生曰此文彖傳之言曰柔順曰德曰舍光承天皆
是積善之家必有餘慶積不善之家必有餘殃臣弑其

君子弑其父非一朝一夕之故其所由來者漸矣由辯

之不早辯也易曰履霜堅冰至蓋言順也

○音訓弑陸氏曰又作殺

同式志反辯陸氏曰如字馬云別也荀作變晁氏曰案辯古文變字

集解

程子曰天下之事未有不由積

而成家之所積者善則福慶及於子孫所積不善則災殃流於後世其大至於弑逆之禍皆因積累而至非朝夕所能成也明者則知漸不可長小積成大辯之於早不使順長故天下之惡无由而成乃知霜冰之戒也霜

而至於一元於字冰小惡而至於一元於字大皆事勢之順長也殃於良反○朱子曰古字順慎通用案此當

作慎言當辯

附錄

朱子語陰陽皆自微至著不是陰便積著陽便合下具足此處亦不說這

箇意履霜堅冰只是說那微時便須著慎來所以說蓋言慎也由辯之不早辯李光祖云不早辯他直到得郎

當了却方辯剗地激成事來此說最好淵

纂註

馮氏椅曰此文初六之言曰由姤至坤遍歷諸爻非一朝

一夕之故也其所由來者有漸使節節有變之者則不至於純陰矣由變之不早遂致於純陰履霜至堅冰臣

子之弑君父也又以八卦之方位重卦十二月之氣參之乾位西北正十月之時純卦氣至此為坤以坤之氣

乘乾之位尊卑倒置又象為龍戰于野此臣子弑君父之象也聖人移上六象於初六言之使人知漸不可長

變必早速履霜而即備其堅冰也○呂氏曰孔子言積善之家必有余慶勸忠臣孝子也積不善之家必有余

殃懼亂臣賊子也庶乎為臣子者希福而為善懼禍而不敢為惡此聖人之心也臣弑其君以下罪君父也言狎比小人必有弑逆之禍積謂從微至著凡大惡非一朝一夕卒暴而成若君父一見其不善必即去之則不至成惡由辯之不早至於弑逆君父之罪也○楊氏時曰毫末不札將尋斧柯涓涓不已將成江河一薪不滅炎炎奈何見善明者可不戒

之於其漸辯之於其早乎

直其正也方其義也君子

敬以直內義以方外敬義立而德不孤直方大不習无

不利則不疑其所行也

○音訓直方大不習无不利則不疑其所行陸氏曰張璠本此

上有易曰字

集解

程子曰直言其正也方言其義也君子主敬以直其內守義以方其外敬

衆家皆无

立而一作則內直義形而一作則外方義形於外非在外也敬義既立其德盛矣不期大而大矣德不孤也无

所用而不周无所施而不利孰為疑乎○朱子曰此以學而言之也正謂本體義謂裁制敬則本體之守也直內方外程傳備矣不孤言大也疑故習而後利不疑則何假於習

附錄

程子語敬以直內有主於內則

虛自然无非僻之心如是則安得不虛必有事焉須把敬來做件事着此道最是簡最是易又省工夫為此語雖近似常人所論然持之一本有久字必別入關錄切要之道无如敬以直內同上心敬則內自直胡氏拾遺須是直內乃是主一之義至於不敢欺不敢慢尚不愧于屋漏皆是敬之事也但存此涵養久之自然天理明入關錄中心斯須不和不樂則鄙詐之心入之矣此與敬以直內之理同謂敬為和樂則不可然敬須和樂只是中心沒事也大臨彥明嘗言先生教人只是專令用敬以直內若用此理則百事不敢輕為不敢妄作不愧屋漏矣習之既久自然有所得也因說往年先生歸自涪陵日日見之一日因讀易至敬以直內處因問先生

不習无不利時則更无睹當更无計校也邪先生深以
為然且曰不易見得如此且更涵養不要輕說敬以
直內義以方外合內外之道也釋氏內外之道不備者
也河南語錄君子敬以直內義以方外為學本胡氏拾
遺坤六二文言云云坤道也誠為統體敬為用敬則內
自直誠合內外之道則萬物流形故義以方外光庭是
以仁者无對放之東海而準放之西海而準放之南海
而準放之北海而準敬義夾持直上達天德自此顚
問敬義何別曰敬只是持己之道義便知有是非順理
而行是為義也若只守一箇敬不是集義却是都无事
也且如欲為孝不成只守着一箇孝字須是知所以為
孝之道所以侍奉當如何溫清當如何然後能盡孝道
也又問義只在事上如何曰內外一理豈特事上求合
義也安節問人有專務敬以直內不務方外何如曰有
諸中者必形諸外惟恐不直內內直則外必方周行已
孟子曰仁也者人也合而言之道也中庸所謂率性之

謂道是也仁者人此者也敬以直內義以方外仁也若以敬直內則便不直矣行仁義豈有直乎必有事焉而勿正則直也夫能敬以直內義以方外則與物同矣故曰敬義立而德不孤絢敬以直內義以方外與德不孤一也為善者以類應有朋自遠來充之至於塞乎天地皆不孤也游氏拾遺德不孤與物同故不孤也絢學者不必遠求近取諸身只明人理敬而已矣便是約處易之乾卦言聖人之學坤卦言賢人之學惟言敬以直內義以方外敬義立而德不孤至於聖人亦止如是更無別途大臨○朱子語坤六二直方大不習无不利文言六二爻聖人本意謂人占得此爻者若直方大則不習自无不利夫子遂從而解之將敬字解直字將義字解方字敬義立而德不孤即解大字也敬而无義則做事出來必錯了只義而无敬则无本何以為義皆是孤也須是敬義立方不孤以之事君則忠於君以之事親則悅於親以之交朋友則信於朋友自然不習无不利也

營方外之方謂有義以處之事皆合宜移易不得如物
之方截然不可動若圓物則可運而轉也必大直是直
上直下胷中无纖毫委曲方是割截方整之意易說義
以方外是見得是處決定是恁地不是處決定不恁地
截然方方正正敬以直內是立己之本是无纖毫私
意胷中洞然徹上徹下表裏如一義以方外是見得是
處決定是恁地截然方方正正賀孫敬以直內是持守
工夫義以方外是講學工夫黃果未有事時只說敬以
直內若事物之來當辨別一箇是非敬譬如鏡義便是
能照底又曰有人專要就寂然不動上理會及其應事
却顛倒又牽動他寂然底又有人專要理會事却於根
本上全无工夫須是徹上徹下表裏洞徹如敬以直內
便義以方外義以方外便敬以直內又曰敬義工夫不
可偏廢彼專務集義而不知主敬者固有虛驕急迫之
病而所謂義者或非其義矣然專言主敬而不知就日
用間念慮起處分別其公私義利之所在而決取舍之

幾焉則亦不免於昏憤雜擾而所謂敬者有非其敬矣
敬義只是一事如兩脚立定是敬才行是義合目是
敬開眼見物便是義敬以養其心无一毫私念可以
言直矣由此而發所施各得其當是之謂義又曰端莊
嚴肅則敬便存須是將敬來做本領涵養得貫通時才
敬以直內便義以方外義便有敬敬便有義淵主敬為
為學之要固是然平日工夫不可全靠箇敬字不理會
義惟集義以祛利欲之蔽則於敬益有助工夫不可偏
廢精麤本末融液貫通乃善學耳答吳昶敬義二者相
濟則无失大雅若无敬也不知義之所在又曰敬以直
內便能義以方外能義以方外便是敬以直內敬以直
內義以方外八箇字一生受用不窮不疑所行不疑
方可入乾知處或問君子敬以直內義以方外伊川
謂主一之謂敬无適之謂一而不涵義之意莫須當明
敬中有義義自敬出之意方好曰亦不必如此說主一
之謂敬只是心專一不以他念亂之每遇事與至誠專

一做去則是主一之義但既有敬之名則須着還他敬字既有義之名則須是還他義字二者相濟則无失此乃理也若謂并合謂義自敬出則聖人何不只言敬字便了既又言義字則須與尋義字意始得敬立而內自直義形而外自方若欲以敬要去直內以義要去方外則非矣問義形而外方曰義是心頭斷事底心斷於內外便方正萬物各得其宜寓問程子敬以直內義以方外仁也如何這處便謂之仁曰會到私欲淨盡天理流行處皆可謂之仁如博學篤志切問近思能如是則便可為仁如克己復禮亦是仁出門如見大賓使民如承大祭亦是仁居處恭執事敬與人忠亦是仁看從那路入做到極處皆是仁寓孤猶偏也敬義既立則德不偏孤不孤言德盛又曰德不孤與論語說不同不孤正是發明大字意思謂德盛者得之矣易中所說與論語不同德盛逢原者易之說也善以類應者論語之說也各指所之不可兼用也荅方誼問乾之九二是聖人

之德坤之六二是賢人之德如何曰只為九二是見成
底不待修為自庸言之信至德博而化此即聖人之德
也坤六二直方大不習元不利須是敬以直內義以方
外如此方能德不孤方即是大耳此是自直與方以至
於大修為之序如此是賢人之德也有開坤只說得持
守一邊事如乾九三言忠信所以進德修辭立誠所以
居業便連致知持守都說了坤從首至尾皆去那一箇
頭如云後得主而有常或從王事无成有終皆是无頭
文蔚曰此見聖人賢人之分不同處曰然文蔚忠信所
以進德是乾健工夫蓋是剛健純粹兢兢業業日進而
自不已如活龍然精采氣馥自有不可及者直內方外
是坤順工夫蓋是固執持守依文案本底做將去所以
為學者事也人傑忠信進德是健底意思是硬立脚做
去敬以直內是順底意思是恁地收斂做去寓問修辭
恐是顏子非禮勿言之類敬義如仲弓問仁之類修辭
等處是剛健進前一刀兩斷工夫故屬陽而曰乾道敬

義夾持是退步收斂確實靜定工夫故屬正當作陰而曰坤道不知可如此看否曰極是

纂註

年氏曰

敬深衣記云以直其政是知敬政字近而誤又轉為正也作敬庶與下文叶○余氏曰直其正也方其義也言

坤道之自然也君子欲不失其正則必敬敬者所以正

之工夫也○楊氏時曰君子敬以直內義以方外夫盡

其誠心而无偽焉所謂直也若施之於事則厚薄隆殺

一定而不可易為有方矣敬與義本无二所主者敬而

義則自此出焉故有内外之辨其實義亦敬也故孟子

之言義曰行吾敬而已○李氏舜臣曰文言字字皆有

位置非苟然也乾九二言誠坤六二言敬誠敬者乾坤

之別也先儒誠敬之學起於此乾九二言仁坤六二言

義仁義者陰陽之辨也先儒論仁義之用取諸此○馮

氏椅曰不習无不利則不疑其所行也明君子體坤之

德而行之不疑以釋不習无不利且總結

此文之意陰善疑六二以中正故不疑也陰雖有美含

之以從王事弗敢成也地道也妻道也臣道也地道无

成而代有終也集解

程子曰為下之道不居其功舍晦其章美以從王事代上以終其事

而不敢有其成功也猶地道代天終物而成功則主於天也妻道亦然

附錄

程子語天地日月一般月

受日光而不為虧然月之光乃日之光也地氣不上騰則天氣不下降天氣降而至於地地中生物者皆天氣

也唯元成而代有終者地之道也顧纂註

丘氏曰美陽也六三陰中有陽故曰有美釋章義○耿氏曰弗

敢者分有所不敢非其才有所不能也○雙湖先生曰美三象含六象弗敢成謂弗敢專成也○程氏曰自陽

始生而至于極陰輔陽而行弗敢成也及陽靜而專陰乃代陽終其事○蔡氏曰代天終物而成功主於天者

地道也三下卦之極故有有終象以數言天數終九不足于終代其終者地十也○宋氏曰臣子雖有才美舍

藏以從其上不敢有所成名也地得終天功臣得終君
事婦得終夫業故曰代終○李氏舜臣曰三五皆以陰
居陽故三有美五美在其中三方進而位不中故雖
有美而舍之五正位居體故美在其中而發於事業

天

地變化草木蕃天地閉賢人隱易曰括囊无咎无譽蓋

言謹也

○音訓蕃
陸伐素反

集解

程子曰四居上近君而无相得
之義故為隔絕之象天地交感

則變化萬物草木蕃盛君臣相際而道亨天地閉隔則
萬物不遂君臣道絕賢者隱遯四於閉隔之時括囊晦
藏則雖无令譽可得
无咎言當謹自守也
附錄
程子語維天之命於穆不已
不其恕乎
或問明道先生如何是充擴得去底氣象曰天
曰充擴得去則為恕心如何是充擴得去底氣象曰天
地變化草木蕃充擴不去則如何曰天地閉賢人隱謝
良佐○朱子語草木蕃如說草木暢茂人傑仁父問程

傳曰充廣得去則天地變化草木蕃充廣不去則天地
閉賢人隱此意如何曰已所不欲勿施於人只管充廣
將去則萬物只管各得其所若充之於一家則一家得
其所充之於一鄉則一鄉得其所充之於天下則天下
得其所如何不天地變化草木蕃若充廣不去則出門
便有窒礙賀孫又曰推已及物推廣去則物我貫通自
有箇生生无窮底意思便有天地變化草木蕃氣象天
地只是這樣道理若推不去物我隔絕欲利於己不利
於人欲已之富欲人之貧欲己之壽欲人之夭似纂註
這氣象全然閉塞隔絕了便似天地閉賢人隱寓纂註
李氏舜臣曰天地通泰之時雖草木猶蕃及其閉塞之
時雖賢人亦隱君子觀時之象而逃世匿名非畏名也
蓋謹畏以避咎也○游氏曰蓋言順也言順於勢也蓋
言謹也言順於命也○耿氏曰坤之靜也翕動也闢惟
其時而已六四當天地之閉是以體
坤之翕而括囊焉則无咎亦无譽矣

君子黃中通理集

解朱子曰黃中言中德在內釋黃字之義也正位居體集解朱子曰雖在尊位而居下體釋

裳字之義也美在其中而暢於四支發於事業美之至也集

解程子曰黃中文居中也君子文中而達於理居正位而不失為下之體五尊位在坤則惟一一作故唯取中

正之義美積於中而通暢於四體發見於事業德美之至盛也暢教亮反○朱子曰美在其中復釋黃中暢於

四支復附錄程子語君子不成章不達易曰美在其中釋居體暢於四支成章之謂也安節○朱子語二

在下方是就工夫處說文言云不疑其所行是也五得尊位則是就他成就處說所以云美在其中而暢於四

支發於事業美之至也天地之間萬物粲然而陳者皆陰麗於陽其美外見者也六三六五皆以陰居陽故

三則曰陰雖有美而五則曰美在其中然三方進而位不中者也故陰雖有美而尚舍之五正位而居體者也

故美在其中而發於事業人臣事業之著於世固自有時殆不可挾才能而躡進以取三五同功嫌迫之禍也

纂註

徐氏曰黃中中德在內通理文元不通言柔順之德縕乎內而至盛也釋黃義正位當在中之位居

體居下體而不僭言柔順之德形於外而得當也釋裳義黃中通理則美在其中而暢於四支正位居體則可發於事業二五皆中二內卦之中其發於外者不疑其所行而已五外卦之中其施於外者有事業之可觀坤道之美至此極矣故曰美之至也嘗謂黃中通理四字當玩涵養不熟操守不固天理有一毫之未純人欲有一毫之未去未得為黃中也涵養熟矣操存固矣天理全而人欲去矣然條理未達脉絡未貫則是縕於內者雖有中和渾厚之美而无融暢貫通之妙未得為通理也必黃中而通理暢於四支發於事業而後為美之至孟子曰充實而有光輝之謂大大而化之之謂聖亦此意也丹家亦取此義魏伯陽參同契曰黃中漸通理潤

澤達肌膚但作用不同此為義理存養皆天公諸人也
彼為血氣保固由人私諸已也學者又不可以不辨

陰疑於陽必戰為其嫌於无陽也故稱龍焉猶未離其

類也故稱血焉夫玄黃者天地之雜也天玄而地黃○

音

訓疑陸氏曰如字荀虞姚蜀才作疑晁氏曰索疑古文
疑字為陸于偽反嫌陸氏曰戶謙反鄭作謙荀虞陸績
董作嫌晁氏曰九家作兼云陰陽合居故曰兼
坤行至亥下有伏乾陰陽變化離陸力智反

集解

程

曰陽大陰小陰必從陽陰既盛極與陽偕矣是疑於陽
也不相從則必戰卦雖純陰恐疑无陽故稱龍見其與
陽戰也于野進不已而至於外也盛極而進不已則戰
矣雖盛極不離陰類也而與陽爭其傷可知故稱血陰
既盛極至與陽爭雖陽不能无傷故其血玄黃玄黃天
地之色謂皆傷也○朱子曰疑謂鈞敵而无大小之差

也坤雖无陽然陽未嘗无也血陰屬蓋氣陽而血陰也
玄黃天地之正色言陰陽皆傷也此以上申象傳之意

附錄

程子語乾是聖人道理坤是賢人道理乾聖人
之分也可欲之善屬焉坤學者之分也有諸已之

信屬焉○朱子語乾坤只是卦名乾只是箇健坤只是
箇順純是陽所以健純是陰所以順至健者惟天至順
者惟地所以後來取象乾便是天坤便是地淵乾九二
是聖人之學可欲之善屬焉可欲之善是自然道理未
曾犯手處故曰聖人之學坤六二是賢人之學有諸已
之信屬焉便須執持保守依文案本做故曰賢人之學
忠信進德修辭立誠乾道也是流行發用朴實頭便做
將去是健之義敬以直內義以方外坤道也但只簡靜
循守是順之義大率乾是做坤是守乾如活龍相似氣
焰猛烈故九五便言飛龍在天文言解得活潑潑地到
坤便說得善了只說黃裳元吉文言亦只說黃中通理
正位居體而已凡看易牢記陰陽兩字看乾坤牢記健

順二字便永不失錯必大又曰乾卦連致知格物誠意正心都說了坤卦只說箇持守柔順貞固而已坤卦是箇无頭物事事都不能為首只是循規蹈矩依而行之乾父坤母意亦可見乾卦如創業之君坤卦如守成之君乾如蕭何坤如曹參如云先迷後得先迷者无首也後獲迷於先而獲於後也乾則不言所利坤則利牝馬之貞每每不同所以康節云乾无十坤无一乾至九止奇數也坤耦數也或云乾无十者有坤以承之坤无一者有乾以首之曰然倘乾便帶了箇知底意思帶了箇健底意思所謂進德又是他心中已得這箇道理了到坤便有箇順底意思便只蒙乾之知更不說箇知字只說敬義夾持做去底已後事又曰乾卦分明是先見得這箇透徹便一直做將去如忠信所以進德至可與存義也都是徑前做去有勇猛嚴厲斬截剛果之意須是見得方能恁地又如樂則行之憂則違之確乎其不可拔亦是這般剛決意思所以生知者分明是合下

便見得透故其健自然如此更着力不得坤卦則未到這地位敬以直內義以方外未免緊帖把捉有持守底意不似乾卦見得來透徹又曰乾從知處說坤從守處說淵又曰乾道奮發而有為坤道靜重而有守佐乾道更多得上面半截坤只是後面半截忠信進德前面更是一段工夫乾坤陽陰以位相對言固只一般然以分而言乾尊而坤卑陽尊而陰卑不可並也以前言之父母固皆尊然母終不可以並乎父所謂尊无二上也問如乾初九潛龍是象勿用是占辭坤六五黃裳是象元吉是占辭甚分明至若坤初六履霜堅冰至六二直方大不習无不利六三含章可貞或從王事无成有終上六龍戰于野其血玄黃皆是舉象而占意已見於象中此又別是一例如何曰象占例不一有占意只見於象中者亦自可見如乾初九坤六四此至分明易見者如直方大唯直方故能大所謂敬義立而德不孤六二有直方大之象占者有此德而占得此爻則不

習而无不利矣言不待學習而无不利也故謂直方大為象不習无不利為占辭亦可然直方故能大故不習无不利象既如此占者亦不離此意矣六三陰居陽位本是陰帶些陽故為含章之象又貞以守則為陰象矣或從王事者以居下卦之上不終含藏故有或時出從王事之象无成有終者不居其成而能有終也在人臣用之則為不居其成而能有終之象在占者用之則為始雖无成而能有終也此亦占意已見於象中者六四重陰不中故有括囊之象无咎无譽亦是象中已見占意伊川云卦爻有相應看來不相应者多且如乾卦如其說時除了二與五之外初何嘗應四三

纂註

蔡氏曰十

月為純坤之月六爻皆陰然生生之理无頃刻而息一陽雖生於子而實始於亥十月之陽特未成爻耳聖人為其純陰而或嫌於无陽也故稱龍以明之古人謂十月為陽月者蓋出此○雙湖先生曰六爻取應與不應

夫子彖傳例也如恒彖曰剛柔皆應恒此六爻以應言也如艮象曰上下敵應不相與也此六爻雖居相應之位剛柔皆相敵而不相與則是雖應亦不應矣又如未濟六爻皆應故曰雖不當位剛柔應也以此例之則六爻皆應者八卦乾坤坎離震巽艮兌是也二體所以相應者初應四四亦應初二應五五亦應二三應上上亦應三然上下體雖相應其實陽爻與陰爻應陰爻與陽爻應若皆陽皆陰雖居相應之位則亦不應矣江都李衡曰相應者同志之象志同則合是以相應然事固多變動在因時故有以有應而得者有以有應而失者亦有以無應而吉者以無應而凶者夬九三以援小人而凶剥六三以應君子而無咎咸貴虛心而受人故六爻以有應而失所蒙六四以無應而困吝斯皆時事之使然故不可執一而定論也又觀彖辭重在二五剛中而應者凡五師臨升二以剛中應五无妄萃五以剛中應二至

若比五以剛中上下五陰應之大有五以柔中上下五剛應之小畜四以柔得位上下五剛亦應之又六以六例論也

經



震下坎上

集解

程子曰屯序卦曰一元曰字有天地

物故受之以屯屯者盈也屯者物之始生也萬物始生鬱結未通故為盈塞於天地之間至通暢茂盛則塞意亡矣天地生萬物屯物之始生故繼乾坤之後以二象言之雲雷之興陰陽始交也以二體言之震始交於下坎始交於中陰陽相交乃成雲雷陰陽始交雲雷相應而未成澤故為屯若已成澤則為解也又動於險中亦屯之義陰陽不交則為否始交而未暢則為屯在時則天下屯難未亨泰之時也

屯元亨利貞

勿用有攸往利建侯

○音訓屯陸氏曰張

集解

程子曰

亨之道而處之利在貞一作正固非貞一作正固何以
濟屯方屯之時未可有所往也天下之屯豈獨力所能
濟必廣資輔助故利建侯也○朱子曰震坎皆三畫卦
之名震一陽動於二陰之下故其德為動其象為雷坎
一陽陷於二陰之間故其德為陷為險其象為雲為雨
為水屯六畫卦之名也難也物始生而未通之意故其
為字象少穿地始出而未申也其卦以震遇坎乾坤始
交而遇險陷故其名為屯震動在下坎險在上是能動
乎險中能動雖可以亨而在險則宜守正而未可遽進
故筮得之者其占為大亨而利於正但未可遽有所往
耳又初九陽居陰下而為成卦之主是能以賢下
人得民而可君之象故筮立君者遇之則吉也

附錄

程子語處屯難而有致亨之道其唯貞固乎然能守正
不變者鮮矣師說雜編○朱子語問屯彖云利建侯而
本義取初九陽居陰下為成卦之主也先生曰此彖辭
一句蓋取初九一爻之義初九一爻蓋成卦之主也一

陽居三陰之下有以賢下人之象有為民往歸之象陰
 從陽也故宜立君故象曰以貴下賤大得民也此意甚
 好因問程傳只言宜建侯輔助如何先生曰易只有三
 處言利建侯屯兩言之豫一言之皆言立君左氏分明
 有立君之說衛公子元遇屯則可見矣錄凡易中利字
 多為占者設蓋是活人方有利不利若是卦畫何利不
 利之有如屯利建侯乃是占得此卦者之利晉文公曾
 占得此卦屯豫皆有此辭果能得國若常人見之亦隨
 高下自有箇主宰底道理但古者卜立君卜大遷卜大
 封是事體重者故爻辭以其重者言之必大有一例成
 卦之主皆說於彖辭下如屯之初九纂註南軒張氏曰
 利建侯大有之五同人之二皆如此纂註物之始萌必
 勾攣拳曲可見屯之義矣○楊氏萬里曰氣始交未暢
 曰屯物勾萌未舒曰屯世多難未泰曰屯○趙氏曰震
 動於下而坎險陷之深以輕進犯難為戒○程氏曰震
 初九元之象也二五相應亨之象也各當其位利貞之

象也○李氏舜臣曰屯卦震陽為主而元亨利貞與乾同長子肖父也以說卦考之乾為龍震亦為龍乾為馬震亦為馬乾為健震亦為健每事皆與乾同若震之色人為玄黃是乾一陽初交坤而乾坤之氣皆具故曰玄黃者天地之雜也震之受性于乾坤者如此則其出而代乾以用事又何疑哉○徐氏直方曰乾為父坤為母六子者乾坤之六子也繼父母而用事者男也震長男也坎中男也艮少男也故乾坤之後繼之以屯屯卦義也下震上坎卦體也凡畫卦者皆自下起下者為先也長男先中男次之繼屯者蒙蒙卦義也下坎上艮卦體也中男先而少男次之矣父母之生子也長男少男各一而已居長少之間者皆中男也故自屯至比中男者六也○雙湖先生曰元亨利貞占辭也當屯難之世遽稱元亨亦猶蠱壞之時而有元亨之義卦辭大抵主在震初九一爻分而言之勿用有攸往戒震也震性好動前有名山大川為之險阻往則犯難又艮止於上故戒

利建侯勸五也時方屯難九五利在於建立初九以為
侯乃可以鎮定禍亂轉屯難而為亨通也文王於震首
取建侯象又互坤有國邑象國語司空季子為晉公子
重耳占得國遇屯嘗取互體坤象矣自坤卦以下元亨
利貞之占凡七卦詳
初九磐桓利居貞利建侯
音訓

磐陸氏

曰步干反本亦作盤又作槃
集解
程子曰初以陽爻在
晁氏曰案古文作般三皆通
難之世居下位者也未能便往濟屯故磐桓也方屯之
初不磐桓而遽進則犯難矣故宜居正而固其志凡人
處屯難則鮮能守正苟无貞固之守則將失義安能濟
時之屯乎居屯之世方屯於下所宜有助乃居屯濟屯
之道也故取建侯之義謂求輔助也○朱子曰磐桓難
進之貌屯難之初以陽在下又居動體而上應陰柔險
陷之父故有磐桓之象然居得其正故其占利於居貞
又本成卦之主以陽下陰為民所歸侯之象也故其象

又如此而占者如是則利建以為侯也

附錄

朱子語問初九利建侯注云

爻之占與卦辭異未知其指曰卦辭通論一卦所謂侯者乃屬他人即爻之初九也爻辭專言一爻所謂侯者乃其自己故不同也道夫又曰此亦大槩如此到占得時又看如何若是自卜為君者得之則所謂建侯者乃已也若是大臣卜立君者得之則所謂建侯者乃君也緣易本不是箇綑定底文字所以曰不可為典要同上

纂註

張子曰磐桓猶言柱石磐磐石也桓桓柱也謂建侯如柱石在下不可以動然志在行正也○馮氏

椅曰磐桓回旋之貌一曰動而有阻之象○項氏曰初九爻辭全類卦辭曰磐桓利居貞即勿用有攸往也○毛氏曰屯以初為主故以一爻盡屯之義而以餘爻為之客以究其義蒙之二震之初皆然○李氏舜臣曰易以屯次乾坤蓋以太子代父母而經綸也○游氏曰夫建侯王者事也而於初九言之者以剛動之而不失其

正其自任以天下之重蓋王佐才也象所謂君子以經綸者非初九其誰邪故其體國致君宜以協濟為意其曰利建侯者乃代天理物之職也○郭氏忠孝曰貞屯悔豫皆利建侯以震陽爻為侯也故屯初九為侯豫九四為侯○雙湖先生曰屯豫建侯固以震亦以坤為國邑也若初九一爻雖重盡當卦辭然不曰為侯必曰利建侯利建之者誰乎重又在五君矣磐石一陽象艮陽在上為小石則震陽在下為磐石矣

六二屯

如遭如乘馬班如匪寇婚媾女子貞不字十年乃字○

音○

訓亶今本作遭陸氏曰張連反亦作遭晁氏曰案說文作驢駢驢也駢音屯乘馬陸氏曰繩證反四馬曰乘下同子夏傳音繩晁氏曰案劉子玄所辨此傳非卜商作班如陸氏曰如字鄭本作般晁氏曰般古文作班媾陸氏曰古后反馬本作集解程子曰二以陰柔居屯之世葦晁氏曰案葦古文雖正一作五應在上而逼於

初剛故屯難遄回如辭一有助字也乘馬欲行也欲從
正應而復班如不能進也班分布之義下馬為班與馬
異處也二當屯世雖不能自濟而居中得正有應在上
不失義者也然逼近於初陰乃陽所求柔者剛所陵柔
當屯時固難自濟又為剛陽所逼故為難也設匪逼於
寇難則往求於婚媾矣婚媾正應也寇非理而至者二
守中正不苟合於初所以不字苟貞一作正固不易至
于十年屯極必通乃獲正應而字育矣以女子陰柔苟
能守其志節久必獲通况君子守道不回乎初為賢明
剛正之人而為寇以侵逼於人何也曰此自據二以柔
近剛而為義更不計初之德如何也易之初義如此○
朱子曰班分布不進之貌字許嫁也禮曰女子許嫁笄
而字六二陰柔中正有應於上而乘初剛故為所難而
遄回不進然初非為寇也乃求與已為婚媾耳但已守
正故不之許至于十年數窮理極則妄求者去附錄朱
正應者合而可許矣爻有此象故因以戒占者

語問初九以陽在下而居動體上應六四陰柔險陷之
爻固為磐桓之象然六二屯如遭如乘馬班如亦似有
磐桓意先生曰磐桓只是欲進而難進貌若六二則有
險難矣蓋乘初九之剛下為陽迫故為所難而遭回不
進又問匪寇婚媾程傳謂設匪逼於寇難則往求於婚
媾此說如何曰熹舊二十許歲時讀至此便疑此語有
病只是別无他說可據只得且隨他說然每不滿後來
方見得不然蓋此四字文義不應必如此費力解也六
二乘初九之剛下為陽所迫然非為寇也乃來求已為
婚媾耳此婚媾與已皆正指六二也問十年乃字曰易
中此等取象不可曉如說十年三年七日八月等處皆
必有所指但今不可穿鑿姑缺之可也銖耿氏解女子
貞不字作許嫁笄而字貞不字者為未許嫁也却與纂
婚媾之義相通亦說得有理伊川說作字育之字
註馮氏椅曰班從刀分王人馬異處也書班師左傳班
馬之聲古語則然婚媾當作昏媾男曰昏女曰姻媾

男女之合也。今轉注從女，非○南軒張氏曰：「七者物之初，有媾媾象。」○王氏安石曰：「易之辭有婦，有婦人有女，有女子，婦有夫之稱也。婦人言其為母也，女未有夫之稱也。女子又言其為子也。此言女子何也？以有所怙也。以有所怙，故乘剛而不失正也。其有所怙者何也？以九五為之應也。」○都氏曰：「女子臣之未受命之象。」○馮氏當可曰：「初寇二，二欲應五而不得，應屯之象也。自己行藏，他人得而制之者，陰柔故也。」○徐氏曰：「愚聞之師曰：『易之道有已正而他爻取之，以為邪者有已凶，而他爻得之以獲吉者，屯之初非不正也。而二近之，則為寇旅之上，非不凶也。而五承之，得譽命。』」○孔氏曰：「因六二之象，以明男女媾媾之事，其餘人事亦當法此。如有人偏近於難，遠有外應，未敢遽進，被近者所陵，經久之後，乃得相合，是知萬事皆象於此，非惟男女而已。諸爻男女之象義皆然。」○雙湖先生曰：「說卦震坎稱馬，蓋本諸此。曰：『鼻足曰美脊。』又以初中二陽名屯，坎上震下，故爻多。」

馬象二乘初上乘五四應初亦云乘若三爻乘馬皆稱
班如而上獨泣者以時當屯難宜班如不可速往然二
四皆有正應可歸上獨窮極下又无應所以泣也他卦
諸爻稱馬如賁四大畜三明夷二睽渙初中孚四自大
畜取乾象外餘皆有震坎大畜亦有互震以是知諸爻
稱馬多就震坎取象又與文王取諸坤不同寇只指初
婚媾陰陽爻取十
年互坤土成數
六三即鹿无虞惟入于林中君子幾

不如舍往客

○音訓鹿陸氏曰王肅作麓云山足晁氏
曰案鹿古文幾陸氏曰徐邈音祈辭也又

音機近也速也鄭作機云弩牙也舍陸氏曰式夜
反止也徐氏音捨象同吝陸力及反又力慎反

集解

程子曰六三以陰一无陰字柔居剛柔既不能安屯居
剛而不中正則妄動雖貪於所求既不足以自濟又无
應援將安之乎如即鹿而无虞人也入山林者必有虞
人以導之无導之者則惟陷入于林莽中君子見事之

幾微不若舍而勿逐往則徒取窮吝而已○朱子曰陰柔居下不中不正上无正應妄行取困為逐鹿无虞陷入林中之象君子見幾不如舍去若往

附錄

朱子語問

逐而不舍必致羞吝戒占者宜如是也

曰虞只是虞人六三陰柔在下而居陽位陰不安於陽則貪求陽欲乘陰則妄行故不中不正又上无正應妄

行取困所以為即鹿无虞陷入林中之象錄若不舍而往是致吝之道這道理若人做事如求官爵者求之不

已便是取吝之道求財利者求

纂註

馮氏椅曰虞人掌

之不已亦是取吝之道

賀孫

山澤之官吝不足

之意易以吉凶明得失而多為悔吝无咎之辭何也天下之理惟中則合道得中則吉失中則凶未至於失而不盡乎中者則有過與不及過過也不及亦過也故悔則知過而必改吝則知過而不肯改必改則无咎而趨於吉不肯改則有咎而趨於凶約象為艮有山林象○郭氏忠孝曰六三互艮有知止之心故曰君子幾不如

舍○郭氏京曰鹿當作麓○趙氏曰屯卦惟初與五以剛明之才處屯難之世可以小得餘四爻皆以六居之幽弱之資安能濟難故二與四與上皆乘馬班如而三即鹿无虞也○雙湖先生曰鹿山獸亦取互艮象矣虞山澤之官上六在艮山之上象三上无應无虞象又曰素李衡云吝者可鄙之名或不能通變或捨義徇利或黨比不容皆曰吝朱子曰吉凶相對而悔吝居其中間悔則自凶而向吉吝則自吉而向凶得之矣六四

乘馬班如求婚媾往吉无不利集解

程子曰六四以柔順居近君之位得

於上也而其才不足以濟屯故欲進而復止乘馬班如也已既不足以濟時之屯若能求賢以自輔則可濟矣初陽剛一作剛陽之賢乃是正應已之婚媾也若求此陽剛一作剛陽之婚媾往與共輔陽一元陽字剛中正之君濟時之屯則吉而无所不利也居公卿之位已之才雖不足以濟時之屯若能求在下之賢親而用之

何所不濟哉○朱子曰陰柔居屯不能上進故為乘馬
班如之象然初九守正居下以應於已故其占為下求

婚媾則

附錄

朱子語問六四求婚媾此婚媾疑指初九

吉也

之陽婚媾是陰何陽亦可言曰婚媾通指

陰陽但程傳謂六四往求

初九

纂註

雙湖先生曰本義云

九之婚媾則恐其未然也

錄

下求婚媾是指初九

在下來求四為婚媾求者在彼往者在我故吉不然豈
有陽不倡而陰反倡男不行而女先行以是為吉无不

利者乎○楊氏時曰六四靜而正居險而不妄動者也

故曰乘馬班如班如者有待而行也夫初以陽下陰求

婚媾者也而四應之求而往者也屯難之時智者以其

謀勇者以其力競時赴功者皆是也而四獨居險而不

為難待求而後往非擇義之明疇克爾故往吉无不

利而孔子曰求而往明也孔明之於先主其幾是乎九

五屯其膏小貞吉大貞凶集解

程子曰五居尊得正而
當屯時若有剛明之賢

為之輔則能濟屯矣以其无臣也故屯其膏人君之尊雖屯難之世於其名位非有損也唯其施為有所不行德澤有所不下是屯其膏人君之屯也既膏澤有所不下是威權不在己也威權去己而欲驟正之求凶之道魯昭公高貴鄉公之事是也故小貞則吉也小貞則漸正之也若盤庚周宣修德用賢復先王之政諸侯復朝謂以道馴致為之不暴也又非恬然不為若唐之僖昭也不為則常屯以至於亡矣○朱子曰九五雖以陽剛中正居尊位然當屯之時陷於險中雖有六二正應而陰柔才弱不足以濟初九得民於下衆皆歸之九五坎體有膏潤而不得施為屯其膏之象占者以處小事則守正猶可獲吉以處大事則雖正而不免於凶

附

錄

朱子語伊川易解也失契勘說屯其膏云又非恬然不為若唐之僖昭也這兩人全不同一人是要做事

一人是不要做與小黃門啗果實度日呼田令孜為阿父不知東漢時若一向盡引得忠賢布列在內不知如

何只那都无主可立天下大勢如人衰老之
極百病交作略有些變動便成大病賀孫纂註楊氏萬里

曰以剛明之主宜其撥亂反正有餘也然其膏猶屯者
有君无臣故也六四近臣則弱六三近臣則又弱六二

大臣則又弱惟一初九遠而在下賢而在下然則將欲
有為誰與有為○馮氏當可曰九五陽也而陷於羣陰

之中必得剛明之才如九五之類者為助則可以解屯
初九其人也又蔽於三陰磐桓而不得進豈得不屯邪

○李氏舜臣曰小者貞固則吉大者貞固則凶猶恒其
德貞婦人吉夫子凶者也○李氏椿年曰小者无以出

險故貞則吉大者必思所以出險故貞則凶○蔡氏曰
屯者物始生之時初與五皆剛而初得時五雖以剛居

中正之位弗及之矣得位失時膏澤屯塞之象○丘氏
曰五坎體陷而失勢初震體動而得時○余氏曰屯坎

言膏鼎離亦言膏貞當如周禮訓問詳見旅九三下○
雙湖先生曰凶有但言凶者有貞凶有終凶有征凶有

有凶之類江都李衡曰有凶者事本无凶若不知進退
必有凶聖人逆以示人使早為之防者又有必凶之理
其非已形者故特曰凶者必然之凶
數之使然禍成而不可解之謂也
上六乘馬班如泣

血漣如

○音訓漣陸音連晁氏曰說文作漣泣下也易泣血漣如

集解

程子曰六以陰柔居屯之

終在險之極而无應援居則不安動无所之乘馬欲往
復班如不進窮厄之甚至於泣血漣如屯之極也若陽
剛而有助則屯既極可濟矣○朱子曰陰柔无
應處屯之終進无所之憂懼而已故其象如此纂註楊
萬里曰屯上難極非剛明何以亨今以柔當之進无必
為之才退有元益之泣朝夕必亡而已唐之僖昭是也
○胡氏次歲曰四乘震馬而利者震動也動則屯可出
也上乘坎馬而泣血者坎陷也陷則屯未易出也○郭
氏忠孝曰二之班如待五之媾四之班如待初之往上
六班如獨无所待進退不決而自傷耳○李氏舜臣曰

屯難之世未可遽往故諸爻求應皆班而有待上六處險之外乘馬无所適從痛時閔道而泣血連如也大

象傳雲雷屯君子以經綸

○音訓論今本作綸陸氏曰論音倫鄭如字謂論撰書禮

樂施政事黃頴云經綸匡濟也本亦作綸非

晁氏曰荀云經常也論理也便直作綸非

雨而云雲者雲為雨而未成者也未能成雨所以為屯

君子觀屯之象經綸天下之事以濟於屯一无屯字難

經緯綸緝謂營為也○朱子曰坎不言水而言雲者未

通之意經綸治絲之事經引之綸理之也屯難之世君

子有為附錄朱子語問屯需二象皆陰陽未和洽成雨

之時也附錄之象也然屯言君子以經綸而需乃言飲

食宴樂何也曰需是緩意在他无所致力只得飲食宴

樂屯是物之始生象草木初出地之狀其初出時欲破

地面而出不无齟齬艱難故當纂註郭氏雍曰坎在上

為經綸其義所以不同也時舉纂註為雲在下為雨○

李氏舜臣曰坎在震上為屯以雲方上升畜而未散也
坎在震下為解以雨澤既沛无所不被也故雷雨作解
者乃所以散屯而雲雷方興則屯難之始也○姚氏曰
綸緯也以織綜經緯○項氏曰經以象雷之振綸以象
雲之合○雙湖先生曰二陽象經四陰象綸經上止下
動而綸以橫之也○游氏曰經綸者因情循理而治之
元泊其序之謂也易於屯曰君彖傳屯剛柔始交而難
予以經綸言所以濟難當如此

生

○音訓難陸氏曰乃旦反六二

集解

朱子曰以二體

謂震難附錄朱子語易中說卦爻多只是說剛柔這是
生謂坎附錄朱子語易中說卦爻多只是說剛柔這是

陽上說卦爻是有形質了陰陽全是氣彖辭所說剛柔
半在人事上剛柔始交是震此是龜山說震一索而

得男纂註張氏汝弼曰物生向上其象震也為坎冬寒
也淵纂註氣所難盤屈地下而未達此其為屯之難生

也○楊氏時曰乾一索而得震陰陽始交也坎在上難生也○毛氏曰屯者其生難俗謂乳字為難月然則難生者生未生之間

動乎險中集解

程子曰以雲雷二象

也已生則解矣

大亨

貞集解

朱子曰以二體之德釋卦辭動震之為也險坎之地也自此以下釋元亨利貞乃用文王本意

附錄

朱子語問屯本義下有云自此以下釋元亨利貞皆用文王本意何也曰文王本意說乾元亨利貞

只是說乾道大通而至正故筮得者其占當得大通而利於正固至孔子方作四德說後人不知將謂文王作易便作四德說即非也如屯卦所謂元亨利貞者以其能動即可以亨而在險則宜守正故筮得之者其占為大亨而利於正初非謂德也故孔子釋此彖辭只曰動乎險中大亨貞是用文王本意釋之也

纂註

熊氏曰屯字從小古草字上有一畫蓋草之方萌未達
故其根芽盤屈而不能伸難之象也然一陽才動於下
已有不可遏之勢故曰大亨○馮氏猗曰動乎險中以
卦性明卦象震動於坎險之中所以濟屯也大謂震之
一陽亨于九五之
貞乃所謂利也

雷雨之動滿盈集解

程子曰所謂大
亨而貞一作正

者雷雨之動滿盈也陰陽始交則艱屯未能通暢及其
和洽則成雷雨滿盈於天地之間生物乃遂屯有大亨
之道也所以能大亨由夫一无夫字貞也非屯固安能
出屯人之處屯有致大亨之道亦在夫一无夫字貞固

附錄

朱子語雷雨之動滿盈
亦是那鬱塞底意思

天造草昧宜建侯而不

寧

○音訓造陸祖早反草昧陸氏曰音妹廣雅云草造
也董云草昧微物而不寧陸氏曰而辭也鄭讀而曰

能能猶
安也

集解

程子曰上文一有既字言一有夫字天地
生物之義一有是以字此言時事天造謂

時運也草草亂无倫序昧冥昧不明當此時運所宜建
立輔助則可以濟屯雖建侯自輔又當憂勤兢畏不遑
寧處聖人之深戒也○朱子曰以二體之象釋卦辭雷
震象雨坎象天造猶言天運草雜亂昧晦冥也陰陽交
而雷雨作雜亂晦冥塞乎兩間天下未定名分未明宜
立君以統治而未可遽謂安寧之時也不取初九爻義
者取義多端

附錄

朱子語宜建侯而不寧不可道建侯
便了須更自以為不安寧方可淵問

彖傳言宜建侯而不寧豈以有動而遇險之象邪曰聖
人見有此象故又因以為戒曰宜立君而又不可遽謂
安寧也銖天造草昧宜建侯而不寧孔子又是別發出
一道理說當此擾攘之時不可无君故須立君砥問屯
彖辭曰剛柔始交而難生本義云始交謂震難生謂坎
程傳以雲雷之象為始交謂震始交於下坎始交於中
如何先生曰剛柔始交只指震言所謂震一索而得男
也此三句各有所指剛柔始交而難生是以二體釋卦

名義動乎險中大亨貞是以二體之德釋卦辭雷雨之
動滿盈天造草昧宜建侯而不寧是以二體之象釋卦
辭只如此看甚明緣後來說者纂註蔡氏曰草萌地中
交雜混了故覺語意重複錄未明之象○丘氏
曰彖傳大率於章首先釋卦名義次釋卦辭又次釋卦
義有未盡者從而推廣之此彖傳之定例也其辭則雜
取卦體卦象卦德卦變四者互明之卦體以兩體及六
爻之義言如剛柔始交震而難生坎之類是也卦象以
天地雷風山澤水火言如雷雨之動滿盈之類是也卦
德以健順明險動入止說言如動乎險中之類是也卦
變以剛柔往來上下言如柔來文剛分剛上而文柔之
類是也自屯以下大要皆不越乎此矣○項氏曰草屬
震言始創也昧屬坎未明也草昧者勞勞泥泥之貌言
天造之初如此所謂屯也○毛氏曰天造草昧即生民
之初也楊氏時曰天造草昧非寧居之時故宜建侯
而不寧建侯所以自輔也使人各有主而天下定矣○

雙湖先生曰動以雷言滿盈以雨言天造作也震動象
草東方震物生象昧北方坎幽晦象建侯震象不寧坎
象
小象傳雖磐桓志行正也
集解
程子曰賢人在下時

遂往濟時之屯然有濟屯之志
與濟屯之用志在行其正也
以貴下賤大得民也
音○

訓下陸
娶嫁反
集解
程子曰九當屯難之時以陽而來居陰下

存有一剛陽之才衆所歸從也更能自處卑下所以大
得民也或疑方屯于下何有貴乎夫以剛明之才而下
於陰柔以能濟屯之才而下於不能乃纂註楊氏萬里
以貴下賤也況陽之於陰自為貴乎
纂註曰震以一

陽為二陰之主故曰貴二陰
賤而一陽下之故曰下賤
六二之難乘剛也十年乃

字反常也

○音訓難
陸乃旦反
集解
程子曰六二居屯之時而又
乘剛為剛陽所逼是其患難

也至於十年則難久必通矣乃得
反其常與正應合也十數之終也
即鹿无虞以從禽也

君子舍之往吝窮也

○音訓從陸氏曰如字鄭黃子用反

集解

程子曰事不可而妄

動以從欲也无虞而即鹿以貪禽也當屯之時不可動
而動猶无虞而即鹿以有從禽之心也則見幾而舍之
不從若往則可吝而纂註程氏曰蔡邕石經郭京舉正
困窮一作窮困也即鹿无虞何以從禽也皆有

何字今

求而往明也集解

程子曰知己不足求賢自輔而後往可謂明矣居得致之

地一作位已不能

屯其膏施未光也

○音訓施陸式豉反

集解

程子

曰膏澤不下及是以德施
未能光大也人君之屯也

泣血漣如何可長也

○音訓長陸直

良集解程子曰屯難窮極莫知所為故至泣血顛沛如
反此其能長久乎夫卦者事也爻者事之時也分

三而又兩之足以包括衆理引而伸
之觸類而長之天下之能事畢矣
附錄 朱子語也 是

陰陽未通之

時蹇是流行之中有
蹇滯困則窮矣 賀孫

經



坎下
艮上

集解

程子曰蒙序卦屯者盈也屯者物之
始生也物生必蒙故受之以蒙蒙者

蒙也物之稱也屯者物之始生稱小蒙昧未發
蒙所以次屯也為卦艮上坎下艮為山為止坎為水為
險山下有險遇險而止莫知所之蒙之象也水必
行之物始出未有所之故為蒙及其進則為亨義 蒙亨

匪我求童蒙童蒙求我初筮告再三瀆瀆則不告利貞

○音訓蒙陸氏曰莫公反稚也方言云蒙萌也離宮四
世卦童陸氏曰字書作僮鄭云未冠之稱筮陸氏曰市
制反決也鄭云問告陸氏曰古毒反示也語也彖同三
陸息暫反又如字彖同瀆陸氏曰音獨亂也鄭氏云褻

也晁氏曰說文作黯

集解

程子曰蒙有開發之理亨之道

握持垢也易再三黤
六五為蒙之主而九二發蒙者也我謂二也二非蒙主
五既順異於二二乃發蒙者也故主二而言匪我求童
蒙童蒙求我五居尊位有柔順之德而方在童蒙與二
為正應而中德又同能用二之道以發其蒙也二以剛
中之德在下為君所信嚮當以道自守待君至誠求已
而後應之則能用其道匪我求於童蒙乃童蒙來求於
我也筮占決也初筮告謂至誠一意以求已則告之再
三則瀆慢矣故不告也發蒙之道利以貞正又二雖剛
中然居陰故宜有戒○朱子曰艮亦三畫卦名一陽止
於二陰之上故其德為止其象為山蒙昧也物生之初
蒙昧未明也其卦以坎遇艮山下有險蒙之地也內險
外止蒙之意也故其名為蒙亨以下占辭也九二內卦
之主以剛居中能發人之蒙者而與六五陰陽相應故
遇此卦者有亨道也我二也童蒙幼稚而蒙昧謂五也

筮者明則人當求我而其亨在人筮者暗則我當求人而亨在我人求我者當視其可否而應之我求人者當致其精一而扣之而明者之養蒙附錄朱子語伊川說與蒙者之自養又皆利於以正也

九二一爻說所以云剛中淵問蒙之地蒙之意如何曰山下有險蒙之地也先生云山下已是窮極險處又遇險前後去不得故於此蒙昧也蒙之意也此是心下鶻突輝問匪我求童蒙童蒙求我我指二童蒙指五五柔暗而二剛明五來求二二不求五也但占者若是九二之明則為人求我而亨在人占者若是九五之暗則為我求人而亨在我與乾九二九五利見大人占同例否先生曰熹作如此說却僅勝近世人硬裝一件事說得來窒礙費氣力但亦恐是如此耳因問初筮告再三瀆瀆則不告若作占者說則如何先生曰人來求我我則當視其可否而告之蓋視其來求我之發蒙者有初筮之誠則告之再三煩瀆則不告之也我求人則當致其

精一以叩之蓋我而求人以發蒙則當盡初筮之誠而不可有再三之瀆也銖曰發此一例即所謂稽實待虛先生曰纂註郭氏雍曰屯者物之始生生而後稱卦之然銖序也物稱者有必亨之理聖人發蒙有致亨之道蒙所以亨也○沈氏曰蒙昧而能亨由九二以剛中之德時而發之所以亨也○楊氏萬里曰蒙猶屯也屯者物之初非物之厄蒙者人之初非性之昧勾而未舒曰屯稱而未達曰蒙故蒙有亨之理○張子曰禮聞來學不聞往教來學者就道義而學之往教者致其人而取教也童蒙求我匪我求童蒙是也○揚氏時曰湯之於伊尹學焉而後臣之○徐氏曰初筮主九二言再三主上九言卦有內外卦初筮外卦再筮二當初卦之中上居再筮之三也○項氏曰二坎體五互坤水上相雜泊而成泥故有瀆蒙之象○雙湖先生曰乾坤之後屯主在震初九一爻蒙主在坎九二一爻此長子代父長弟次兄之象艮為少男方有賴於開發此屯蒙

次乾坤之義屯建侯有君道焉蒙求我有師道焉載觀
文王為卜筮演易所以於蒙比二卦發明六十四卦尚
占之例以示後世蒙就二陽言筮九二取初筮之象初
下體也上九取再三瀆象再上卦三上卦之三自二至
上有頤口之體震動又當初筮故告之再三適當艮止
故不告也然二陽爻皆不正故又有利貞之戒○汪氏
曰聖人用易以明民托之卜筮或所得之辭闕然不相
對者何哉古人非有大事不疑不卜也若誠有兩可之
疑而合筮之必誠敬專一以達于神明故神亦以正告
之倘有一毫不敬不誠不一則問此而答彼實神明之
所不至而不告者也故文王於蒙特發不告之例夫揲
著必成一卦卦爻必皆有辭何以言其不告也蓋誠意
專一則神告之辭皆應所問否則問此而答彼是則不
告也若是而臆度遷就曲推強取以定吉凶惑之甚矣

初六發蒙利用刑人用說桎梏以往吝

○音訓說陸氏曰吐活反徐又

音稅桎陸音質桎陸氏曰古毒反在足曰桎在手曰梏
小爾雅云桎謂之梏械謂之桎桎音丑往吝晁氏曰說
文作遘行難集解程子曰初以陰暗居下下民之蒙一
也易以往遘

集解

程子曰

初以陰暗居下下民之蒙一也

當明刑禁以示之使之知畏然後從而教導之自古聖
王為治設刑罰以齊其衆明教化以善其俗刑罰立而
後教化行雖聖人尚德而不尚刑未嘗偏廢也故為政
之始立法居先治蒙之初威之以刑者所以說去其昏
蒙之桎梏桎梏謂拘束也不去其昏蒙之桎梏則善教
元由而入既以刑禁率之雖使心未能喻亦當畏威以
從不敢肆其昏蒙之欲然後漸能知善道革其一元其
字非心則可以移風易俗矣苟專用刑以為治則蒙雖
畏而終不能發苟免而元恥治化不可得而成矣故以
往則可吝○朱子曰以陰居下蒙之甚也占者遇此當
發其蒙然發之之道當痛懲而暫舍之以觀其後
若遂往而不舍則致羞吝矣戒占者當如是也

附錄

朱子語或自家是蒙得他人發或他人是蒙得自家發
卦辭有平易底有難曉底利用刑人用說桎梏麤說
時如今人打棒也須與他脫了那枷方可一向枷他不
得若一向枷他便是以往吝這只是說治蒙者當寬慢
蓋法當如纂註石氏曰二以陽明下照於初故初之蒙
此易說
馮氏椅曰上體艮手互體震足俱陷于陰桎梏之象坎
趨於下艮止於上有說之象又曰蒙不但物生之穉凡
昏迷不恭者皆蒙也○丘氏曰發蒙者必于其初初六
以陰暗之蒙切近九二陽明之賢足以開發之故曰發
蒙○胡氏曰若其性識至暗以犯教化則當用刑以正
之遭桎梏而自悟又當赦之○郭氏雍曰發蒙所以教
也用刑所以輔教也此明刑弼教之意○楊氏時曰蒙
无知也告之而弗喻引之而弗違非威之以刑莫能從
也故發蒙之初利用刑人蓋威之使從也用說桎梏縱
之以往則吝矣○王氏宗傳曰禁於未發之謂豫書制

官刑微于有位用訓于九二包蒙古納婦吉子克家

音○

訓苞今本作包陸氏曰鄭云苞當作彪彪文也

集解

程子曰包

也晁氏曰京房鄭陸績一行皆作彪文也
舍容也二居蒙之世有剛明之才而與六五之君相應
中德又同當時之任者也必廣其舍容哀矜昏愚則能
發天下之蒙成治蒙之功其道廣其施博如是則吉也
卦唯二陽爻上九剛而過唯九二有剛中之德而應於
五用於時而獨明者也苟恃其明專於自任則其德不
弘故雖婦人之柔闇尚當納其所善則其明廣矣又以
諸爻皆陰故云婦堯舜之聖天下所莫及也尚曰清問
下民取人為善也二能包納則克濟其君之事猶子能
治其家也五既陰柔故發蒙之功皆在於二以家言之
五父也二子也二能主蒙之功乃人子克治其家也○
朱子曰九二以剛陽為內卦之主統治羣陰當發蒙之
任也然所治既廣物性不齊不可一槩取必而爻之德

剛而不過為能有所包容之象又以陽受陰為納婦之象又居下位而能任上事為子克家之象故占者有其德而當其事則附錄朱子語卦中說剛中最好看剛故如是而吉也

附錄

朱子語卦中說剛中最好看剛故

能包蒙剛而不中亦不能包蒙如上九過剛而不中所以為擊蒙此一卦緊要是九二一爻為主所以治蒙者只在兩箇陽爻而上九過剛故只以九二為主而二與五應亦助得五去治蒙大抵蒙卦除了初爻統說治蒙底道理其餘三四五皆是蒙者所纂註張子曰九二以以惟九二一爻為治蒙之主時舉纂註剛居中故能包蒙而吉○蘭氏曰凡易之言包者皆自外而包內泰之包荒否之包承姤之包有魚包瓜皆自上包也○蔡氏曰婦五也以剛柔相應言子二也以剛居內言○楊氏萬里曰五求二二匪求五乃曰子克家何也臣事君如子事父正使致君如伊周亦臣子分內事如子之克家耳非功也○李氏舜曰震以建侯而有經綸之功此

長子事也。坎以剛中而有克家之能。此次子事也。艮以柔巽而得童蒙之吉。此少子事也。乾坤三子至是各得其宜矣。○雙湖先生曰：案蘭氏自上包之說，以包初六為言耳。本義統治羣陰，則初所宜包也。卦有互震震為冢，嗣亦有六三勿用取女，見金夫不有躬，无攸利。○音

子克家象

六三勿用取女見金夫不有躬无攸利

訓取

陸氏曰：七住反。本又作娶象同。

集解

程子曰：三以陰柔處蒙闇，不中不能正女之妄動者也。正應在上，不能

遠從近，見九二為羣蒙所歸，得時之盛，故捨其正應而從之。是女之見金夫也。女之從人，當由正禮，乃見人之多金，說而從之，不能保有其身者也。无所往而利矣。○朱子曰：六三陰柔不中，不正女之見金夫而不能有其身之象也。占者遇之，則其取女必得如是之人，无所利矣。金夫蓋以金賂已而挑之。若魯秋胡之為者。附

錄

程子語：不有躬，无攸利，不立已後，雖向好事，猶為化。物不得以天下萬物撓已已立後，自能了當得天下。

萬物語錄○朱子語六三說勿用取女者大率陰爻又不中不正合是一般无主宰底女人金夫不必解做剛夫時舉問不有躬无攸利不立已後雖向好事猶為化物不得以天下萬物撓已已立後自能了當得天下萬物曰下面是伊川解易上句後二句又是覆解此意在平以立已為先應物為後而今人平日講究所以治國平天下之道而自家身已全未曾理會得若能理會得自家身已雖與外事若茫然不相接然明德在這裏了新民只現成推將去賀孫問不立已後雖向好事猶為化物何也曰已不立則在我无主宰矣雖向好事亦只是見那事物好隨那事纂註張子曰金夫二也不有躬物去此便是為物所化履非正則不能固于一也○蘭氏椅曰凡易之言金皆取陽爻九乾之策乾為金也○馮氏椅曰朱子曰若魯秋胡之事易之設教不必有是事也金取其剛蓋謂强暴之男近而相得故以為夫秋胡之事亦可言也○郭氏雍曰易於有應言婦无應

言女三舍正應稱女可也○項氏曰艮為躬曰不有躬明棄上也○雙湖先生曰互震為艮反體亦不有躬象勿用取无攸利戒占者之言若六三之人自占得此知見棄於人若是亦可内省而自改也○李氏舜臣曰屯之六二近初九之陽而正應在五然震之性動而趨上竟舍初九而歸五故曰女子貞不字十年乃字此女子之屯者也蒙之六三近九二之陽而正應在上然坎之性陷而趨下乃舍上而從二故曰勿用取女不有躬无攸利此女子之蒙者也

六四困蒙吝集解

程子曰四以陰柔而蒙

自發其蒙困於昏蒙者也其可吝甚矣吝不足也謂可少也○朱子曰既遠於陽又无正應為困於蒙之象占者如是可羞吝也能求剛明纂註蔡氏曰困讀如困而之德而親近之則可免矣不學之困○徐氏曰陷二柔之中无得乎開明之道困於蒙者也故吝○李氏舜臣曰六四以陰居陰而上下又皆陰蒙暗之甚者

也欲從九二則下隔六三欲從上九則上隔六五獨遠於陽无以發蒙而久困又曰陰麗於陽陰陽相雜則蒙乃徹明乃開故曰蒙雜而著不交于陽无以發明則困而不學鄙吝之資不言可知矣

六五童蒙

吉集解

程子曰五以柔順居君位下應於二以柔中之德任剛明之才足以治天下之蒙故吉也童取

未發而資於人也為人君者苟能至誠任賢以成其功何異乎出於己也○朱子曰柔中居尊下應九二純一未發以聽於人故其象為童

纂註

楊氏時曰五居尊位而下求九二之臣不

挾貴也以童蒙自居不挾長挾賢也苟有求焉有所挾皆在所不告自天子至於庶人君子所以俟之一也故唯童蒙乃吉夫湯之於伊尹高宗之於傅說皆學然後臣之由斯道也○李氏舜臣曰六五艮體少男之象故曰童蒙此以少主當位以柔居尊必能遜志務學俯從道德之士學焉而後臣之此六五之事太甲成王師伊

周之象○馮氏曰承上應二皆有師事義
故吉○雙湖先生曰卦辭童蒙正指五

上九擊蒙不

利為寇利禦寇

○音訓擊陸氏曰經歷反王肅云治也
晁氏曰馬融鄭荀爽一行作繫禦陸氏

曰魚呂反

集解

程子曰九居蒙之終是當蒙極之時人
之愚蒙既極如苗民之不率為寇為亂

本又作衛

集解

程子曰九居蒙之終是當蒙極之時人

者當擊伐之然九居上剛極而不中故戒不利為寇治
人之蒙乃禦寇也肆為貪暴乃為寇也若舜之征有苗

周公之誅三監禦寇也秦皇漢武窮兵誅伐為寇也○
朱子曰以剛居上治蒙過剛故為擊蒙之象然取必大

過攻治大深則必反為之害惟擇其外誘以全其真純
則雖過於嚴密乃為得宜故戒占者如此凡事皆然不

止為誨
附錄

朱子語蒙卦上九雖小不利然卦爻亦自
好蓋上九以剛陽居上擊去蒙蔽只要恰

好不要太過太過則於彼有傷而我亦失其所以擊蒙
之道如人合喫十五棒若只決他十五棒則彼亦无辭

而足以禦寇若再加五棒則太過而反害人矣為寇者
為人之害也禦寇者止人之害也如人疾病醫者用藥
對病則彼足以驅病而我亦得為醫者之道若藥不對
病則反害他人而我亦失為醫之道矣所以象曰利用
禦寇上下順也惟如此則上下兩順而无害淵問擊蒙
不利為完如本義只是就自身克治上說是如何先生
云事之大小都然治身也恁地若治人做得太甚亦反
成為寇占得此爻凡事不可過當如伊川作用兵之說
亦是但只做得一事用不如且就淺處說去却事事上
有用若使說深了則一事用得別事用不得不利為寇
寇只是要去害他纂註馮氏椅曰艮為手故曰擊○徐
故戒之如此淵氏曰上過剛不中又居過高之
位在下者既昏蒙在上者又高亢情意不接彼此扞格
乃以為瀆而至於擊蒙也○張氏汝弼曰諸爻皆蒙其
不蒙者惟二剛二以剛居中包蒙以開其善上以剛過
中擊蒙以懲其惡○王氏曰陰昧而陽明陰蒙而陽能

發之故四遠於陽則困蒙初比於陽則發蒙五應於陽則童蒙吉○雙湖先生曰寇坎象艮止故不利為寇而利禦坎之寇禦亦止義然則上九所擊者為誰所禦者為誰意其擊不正之三而禦比三之二二正坎體二可謂已正而他人以為邪者乎○熊氏曰屯蒙成卦皆以有坎也坎難震為屯坎阻艮為蒙乾坤之後屯蒙需訟師比六卦皆以坎而成河圖洛書五行之數皆始於一六之水自一至六水數生成始備亦可於斯而見之矣

大象傳山下出泉蒙君子以果行育德

○音訓行陸下孟反六三象同

集解

程子曰山下出泉出而遇險未有所之蒙之象也若人蒙穉未知所適也君子觀蒙之象以果行育

德觀其出而未通則以果決其所行觀其始出而未有所向則以養育其明德也○朱子曰泉水之始出者必行而附錄朱子語問山下出泉曰古人取象也只看大意略如此仿佛不能端的若要解

有漸也

附錄

朱子語問山下出泉曰古人取象也只看大意略如此仿佛不能端的若要解

到親切便都沒去處了。如天在山中，山中有地，地中有山，便是平地了。易說：『果行育德，又是別說。』一箇道理，山下出泉，却是箇流行底物事。暫時被他礙住，在這裏觀這意思，却是說自家當恁地做工夫。卦中如此者，多同上以象言之。果者，泉之必通；育者，靜之時也。季通云：『育德是艮止也。』育德有山之象，果行有水之象。

纂註

真氏曰：『泉之始出也，涓涓之微，壅於沙石，豈能遽達哉？惟其果決必行，雖險不避，故終能流而成川。』

然使其源之不深，則其行雖果而易以竭。艮之象山也，其德止也。山惟其靜止，故泉源之出者，无窮有止而改。有行也。君子觀蒙之象，果其行如水之必行，育其德如水之有本，則其體盛大而其用周流矣。○游氏曰：『山下出泉，其一未散其勢未達，觀其勢之未達，則果行觀其一之未散，則育德。』○楊氏時曰：『山下出泉之始達也，萬折必東，避礙而通。諸海果行者，取之盈科而進，不舍晝夜育德者，取之。』○徐氏曰：『蒙而未知，所適也。必體坎之』

剛中以決果其行而達之蒙而未有其所害
也必體艮之靜止以養育其德而成之
彖傳蒙山下

有險險而止蒙集解

朱子曰以卦象卦德釋卦名有兩義

附錄

朱子語山下有險是

卦象險而止是卦德蒙有二義險而止險在內止在外
自家這裏先自不安穩了外面更去不得便是蒙昧之
象若見險而能止則為蹇却是險在外自家這裏見得
去不得所以不去故曰知矣哉淵嘗說八卦着這幾箇
字形容最好看如險止健順麗入纂註洪氏曰彖下先
說動都包括得盡喚做卦之情淵釋卦義然後承
以本名者凡八卦如蒙險而止蒙止
字為句絕訟豫隨蠱恒解井皆然
蒙亨以亨行時中

也匪我求童蒙童蒙求我志應也

○音訓童蒙求我陸氏曰一本作來求我

晁氏集解

程子曰山下有險內險不可處外止莫能進
未知所為故為昏蒙之義蒙亨以亨行時中

也蒙之能亨以亨道行也所謂亨道時中也時謂得君之應中謂處得其中得中則一有得字時也匪我求童蒙童蒙求我志應也二以一无以字剛明之賢處於下五以童蒙居上非是二求於五蓋五之志應於二也賢者在下豈可自進以求於君苟自求之必无能信用之理古之人所以必待人君致敬盡禮而後往者非欲自為尊大蓋其尊德樂道不如纂註李氏過曰蒙而亨善是不足與有為也中張仲反纂註端之發也○劉氏曰時中謂訓不失時過推則性未成過長則扞格不入○馮氏椅曰學記云當其可之謂時九二陽明其於五陰之蒙時而發之无過不及所以亨也

初筮告以剛中也再三瀆瀆則不告

瀆蒙也集解

程子曰初筮謂誠一而來求決其蒙則當以剛中之道告而開發之再三煩數也來

筮之意煩數不能誠一則瀆慢矣不當告也告之必不能信受徒為煩瀆故曰瀆蒙也求者告者皆煩瀆矣

蒙以養正聖功也集解

程子曰卦辭曰利貞彖復伸其義以明不止為戒於二實養蒙

之道也未發之謂蒙以純一未發之蒙而養其正乃作聖之功也發而後禁則扞格而難勝養正於蒙學之至善也蒙之六爻二陽為治蒙者四陰皆處蒙者也○朱子曰以卦體釋卦辭也九二以可亨之道發人之蒙而又得其時之中謂如下文所指之事皆以亨行而當其可也志應者二剛明五柔暗故二不求五而五求二其志自相應也以剛中者以剛而中故能告而有節也瀆策者二三則問者固瀆而告者亦瀆矣蒙以養正乃作聖之功所以釋附錄朱子語蒙以養正聖功也蓋言蒙利貞之義也附錄朱子語蒙以養正聖功也蓋言蒙發時便有作聖之功若蒙昧之中已自不正他日何由得會有聖功淵問本義言九二以可亨之道發人之蒙而又得其時之中如下文所指之事皆以亨行而當其可何以見其當其可曰下文所謂二五以志相應而初筮

則告之再三漬則不告皆時中也初筮告以剛中者亦指九二有剛中之德故能告而有節夫能告而有節即所謂以剛纂註張子曰蒙者養之不失其正教人者之而中也銖纂註功也盡其道其為聖人乎○南軒張氏曰大人不失其赤子之心蓋童稚之時純一不雜人欲未起天理實存謂之大人者守此而已謂之小人者失此而已人於是時保護養育則虛靜純白渾然天成施為動作酬酢進退皆天理也非作聖之功起於此乎

小象傳利用刑人以正法也集解

程子曰治蒙之始立其防限明其罪罰正

其法也使之由之漸至于化也或疑發蒙之初遽用刑人元乃不教而誅乎不知立法制刑乃所以教也蓋後之論刑者不復知教化在其中矣○朱子曰子克家剛發蒙之初法不可不正懲戒所以正法也

子克家剛

柔接也集解

程子曰子而克治其家者父之信任專也二能正蒙之功者五之信任專也二與五

剛柔之情相接故得行其剛中之道成發蒙之功苟非上下之情相接則二雖剛中安能尸其事乎○朱子曰指二五勿用取女行不順也集解程子曰女之如此其之應

也○朱子曰順當作慎蓋順慎古字通用荀纂註郭氏子順墨作慎墨且行不慎於經意尤親切

曰六三舍應從二行不順也見利忘身不可取也困蒙之吝獨遠實也○音訓

萬集解程子曰蒙之時陽剛為發蒙者四陰柔而最遠反於剛乃愚蒙之人而不比近賢者无由得明矣

故困於蒙可羞吝者以其獨遠於賢明之人也不能親賢以致困可吝之甚也實為陽剛也○朱子曰實叶韻

去纂註楊氏時曰陰資陽以為明六四之困蒙遠于陽聲故也陽實而陰虛實為陽也不能親賢以發其

蒙其困童蒙之吉順以巽也○音訓巽陸氏曰音遜鄭云當作遜集解程子

曰舍已從人順從也降志下求

纂註

雙湖先生曰順以

應二

利用禦寇上下順也

集解

程子曰利用禦寇上下

暴下得擊去其蒙禦寇之義也○

附錄

朱子語上九一

如人皆順從於我故能禦寇便如孔子告陳恒之事須

裏人不從時如何去禦得寇便

纂註

郭氏雍曰上九過

做不得所以象曰上下順也

燁

剛之才發蒙則暴

經

䷆ 乾下坎上

集解 程子曰需序卦蒙者蒙也物之穉也

飲食之道也夫物之幼穉必待養而成養物之所需者

飲食所以潤益於物故需為飲食之道所以次蒙也卦之大意須待之義序卦取所須之大者耳乾健之性必進者也乃處坎險之下險為之阻故須待而後進也**需有孚光亨貞吉利涉大川**

○音訓需陸氏曰音須字從雨重而者非訓養鄭讀為秀鮮云陽氣秀而不直前者畏上坎也坤宮遊魂卦有孚陸氏曰徐音敷信也又作專彖同鼎氏曰案專古文光陸氏曰師讀絕句亨貞吉陸氏曰一句馬鄭總為一句**集解**程子曰需者需待也以二體言之乾之剛健上進而遇險未能進也故為需待之義以卦才言之五居君位為需之主有剛健中正之德而誠信克實於中中實有孚也有孚則光明而能亨通得貞正二无正字而吉也以此而需何所不濟雖險无難矣故利涉大川也凡貞吉有既正且吉者有得正則吉者當辨也○朱子曰需待也以乾遇坎乾健坎險以剛遇險而不遽進以陷於險待之義也孚信之中者也其卦九五

以坎體中實陽剛中正而居尊位為有孚得正之象坎水在前乾健臨之將涉水而不輕進之象故占者為有所待而能有信則光亨矣若又得正則吉而利涉大川正固无所不利而涉川尤貴於能待則不欲速而犯難也

附錄

朱子語需主事孚主心需其事而心能信實則光亨以位乎尊位而中正故所為如此利涉大

川而能需則往必有功利涉大川亦承上文有孚光亨貞吉淵問需卦大旨曰需者寧耐之意以剛遇險時節如此只當寧耐以待之且如涉川者多不以寧耐致覆溺之禍故需卦首言利涉大川錄問乾陽上進之物前遇坎險不可遽進以陷於險故為需先生曰遇此時節當隨遠隨近寧耐以待之直至需于泥甚即當矣然能致慎亦不至敗至于九五需得好只是又難得這般時節當此時只要安以待之耳至上六居險之極又有三陽並進六不當位又處陰柔

纂註

石氏曰凡乾在下者亦只得敬以待之則吉錄

纂註必當上復今欲上復

前遇坎險未可直進宜須待之○楊氏萬里曰需非不
 決之需見險而未可動能動而能不動者也○李氏開
 曰約象為離故曰光亨○馮氏椅曰京房易積數曰六
 位二三四為互體三四五為約象需主乾而言也言乾
 陽有孚于九五也○毛氏曰需者乾也需之主則五也
 為三陽計則需以待之為九五計則援而進之也○張
 氏汝弼曰利涉大川者乾濟乎坎也以剛健之德臨事
 而懼何所往而不利哉○雙湖先生曰需以乾遇坎得
 名惟剛明能需柔躁則否有孚以四陽言卦辭取涉川
 象凡八需訟同人蠱大畜益渙中孚需乾方遇坎健足
 以行故云利涉訟三乾已過坎健无所施故云不利涉
 二卦取乾坎象又訟與同人三互巽及有離象蠱三與
 大畜三互震皆取木象益三兼取震巽木象中孚三取
 巽木行兌澤象渙三取巽木行坎水象而二卦又皆互
 震木象又自蠱而下卦體或四爻或五爻皆有虛舟之
 象焉以是知文王取涉川象大槩有見於乾坎震巽中

孚之兌同人之離至若大畜之艮非所取義也爻取涉川象凡四已見卦圖中○真氏曰案易諸卦凡言利涉

大川皆取濟初九需于郊利用恒无咎集解程子曰需險涉難之義初九需于郊利用恒无咎集解程子曰需

故需而後進初最遠於險故為需于郊郊曠遠之地也

處於曠遠利在安守其常則无咎也不能安常則躁動

犯難豈能需於遠而无過也○朱子曰郊曠遠之地未

近於險之象也而初九陽剛又有能恒於其所之象故

戒占者能如纂註馮氏椅曰林外曰垆垆外曰郊郊外

是則无咎也纂註馮氏椅曰林外曰垆垆外曰郊郊外

氏舜臣曰安行守靜待時之義以乾之健而必進乃能

需以待焉以此涉世何咎之有○薛氏曰郊遠難沙近

難泥涉難○余氏曰需以初為郊九二需于沙小有言

同人以上為郊皆中爻之外也九二需于沙小有言

終吉○音訓沙陸氏集解程子曰坎為水水近則有沙

日如字鄭作汙

周易會通

卷五

五

五

五

五

五

五

五

五

五

五

五

五

五

五

五

五

五

五

五

五

五

五

五

五

五

近於險難雖未至於患害已小有言矣凡患難之辭大
小有殊小者至於有言言語之傷至小者也二以剛陽
之才而居柔守中寬裕自處需之善也雖去險漸近而
未至於險故小有言語之傷而无大害終得其吉也○
朱子曰沙則近於險矣言語之傷亦災害之小者漸進
近坎故有此象剛中能需故得終吉戒占者當如是也

纂註

雙湖先生曰言多從兌取以兌有口舌象小陰小
指六四二當互兌之初故曰小有言○孔氏曰小

謂四也陰為小君子之進小人懼其害已不免於有九
言然九五在上三陽同心小人終當退聽矣故終吉

三需于泥致寇至

○音訓寇陸氏曰如字鄭王肅本作戎

集解

程子曰泥逼於水也

既進逼於險當致寇難之至也三剛而不中又居健體
之上有進動之象故致寇也苟非敬慎則致喪敗矣○
朱子曰泥將陷於險矣寇則害之大者九
三去險愈近而過剛不中故其象如此

附錄

朱子語
以其迫

近坎險故有致纂註李氏舜臣曰進而尤近乎水者為

寇至之象文蔚泥性善陷坎為寇盜坎近九三

來自外卦而為寇於內者也三所以致寇者以已上進

而有以迫起之也○鄭氏剛中曰寇非但盜與我敵而

相傷者是也○朱氏曰坎為盜盜有戎兵寇也○毛氏

曰近則有言偏則致寇其勢然也○趙氏曰曰郊曰沙

曰泥皆以坎水遠近而取象曰利用恒曰小有言曰致

寇至皆因遠近為戒○雙湖先生曰泥寇是象需致至

是占澤水

六四需于血出自穴集解

程子曰四以陰柔

混為泥

當三陽之進傷於險難者也故云需于血既傷於險難

則不能安處必失其居故云出自穴穴物之所安也順

以從時不競於險難所以不至於凶也以柔居陰非能

競者也若陽居之則必凶矣蓋无中正之德徒以剛競

於險適足以致凶耳○朱子曰血者殺傷之地穴者險

陷之所四交坎體入乎險矣故為需于血之象然柔得

其正需而不進故又為出自穴之象
占者如是則雖在傷地而終得出也

附錄

朱子語問程傳穴物之所

安也本義謂穴者險陷之所二說不同某竊以為以坎為陷之所正得坎體之象未知是否先生曰穴是陷處

喚做所安處不得分明有个坎陷也一句柔得正了需而不進故能出於坎陷四又是坎體之初有出底道理

到那上六則纂註蔡氏曰血穴皆坎象三剛進迫故有索性陷了淵

蘇氏曰需于血者抗而傷也出自穴者不勝而避也○林氏曰時數既至君子道亨則小人之需者自出穴以

避之也○李氏舜臣曰需之時二陰作難陷一陽于艱險之中而一陽在上居位履中剛健之德可輔以有為

者也故在下之三君子同德比義力進而往救之四居人臣之極位偃然乘三陽之上而塞君子之路比之上

六其惡尤甚是宜三陽並進而首攻之也○雙湖先生曰坎為水為血今不曰需于水而曰需于血故本義以

為殺傷之地四在下卦
之上又有出自穴之象
九五需于酒食貞吉
集解程子曰五

子

以陽剛居中得正位乎天位克盡其道矣以此而需何
需不獲故宴安酒食以俟之所須必得也既得貞正而
所需必遂可謂吉矣○朱子曰酒食宴樂之具言安以
待之九五陽剛中正需于尊位故有此象占者如是而
貞固則**附錄**
朱子語問需于酒食貞吉曰需只是待當

得吉也

此之時別无作為只有箇待底道理然又

須是正方吉
淵坎體中多說酒
纂註
單氏曰九五得尊

食想須有此象但今不可考

淵
纂註
單氏曰九五得尊

三陽所以進者以九五也故需于酒食以待焉酒食者

勞忠臣宴嘉賓之具也中則能有所待正則待之以有

禮此羣臣所以為之用而貞吉也○謝氏曰坎為水為

險為毒水之險毒者酒也○徐氏曰貞吉者得需之正

則吉不然宴酣无度非正也凶可知矣○徐氏之祥曰

需中有兌為口舌有飲食象○雙湖先生曰酒象謝氏

備矣坎為食象則未聞意坎承兌上六入于穴有不速

之客三人來敬之終吉

○音訓不速陸氏曰如字馬云召也釋言云徵也召也

集

解

程子曰需以險在前需時而後進上六居險之終終則變矣在需之極久而得矣陰止於六乃安其處故

為入于穴穴所安也安而既止後者必至不速之客三人謂下之三陽乾之三陽非在下之物需時而進者也需既極矣故皆上進不速不促之而自來也上六既需得其安處羣剛之來苟不起忌疾忿競之心至誠盡敬以待之雖甚剛暴豈有侵陵之理故終吉也或疑以陰居三陽之上得為安乎曰三陽乾體志在上進六陰位非所止之正故无爭奪之意敬之則吉也○朱子曰陰居險極元復有需有陷而入穴之象下應九三九三與下二陽需極並進為不速客三人之象柔不能禦而能順之有敬之之象占者當陷險中然於非意之來敬以

待之則得終吉也

附錄

朱子語福州劉昭信易說云見險而止

不能通其變為蠱近來解易者多引之偶福州韓某云

能安其分則為需不能安其分則為訟隨蠱同劉說此

是說卦對然只是此數卦纂註張子曰上无所出故降

對得好其他底又不然淵纂註入自穴恭以納之雖處

極上不至於失○朱氏曰客在外主人以辭速之曰吾

子入矣主人需矣此之謂速○李氏舜臣曰三陽君子

也其進也四以抗而傷上以敬而吉小人不敬于君子

君子亦不薄小人也乾知險而需所以為君子之謀陰

知敬而避所以為小人之戒○毛氏曰穴者二陰之所

凭也而在五左右所以為城狐社鼠也使入主左右无

小人則三陽者何需之有○馮氏椅曰六畫偶偶則虛

虛則生敬故有敬之象三陽已至時不可阻聖人教其

敬之所以開小人改過之方也○胡氏次焱曰四外卦

之初出尚有可之之所上外卦之終出无可之矣故入

而藏出逃其巢穴所以避陽而去入伏於巢穴所以避陽之來
大象傳雲上於天需君

子以飲食宴樂

○音訓上陸時掌反於天陸氏曰王肅本作雲在天上宴陸氏曰烏練反徐烏

殄反安也下同鄭云宴亨也李軌烏衍反樂陸音洛
集解程子曰雲氣蒸而上升後成雨雲方上於天未成雨也故為須待之義陰陽之氣交感而未成雨澤猶君子畜其才德而未施於用也君子觀雲上於天需而為雨之象懷其道德安以待時飲食以養其氣體宴樂以和一作養其心志所謂居易以俟命也○朱子曰雲上於天元所復為待其陰陽之和而自雨耳事之當需者亦不容更有所為但飲食宴樂俟其自至而已
附錄朱子語需待也以飲食宴樂有所為則非需也
纂註雙湖先生曰飲食坎象宴樂樂須有至時學道者
纂註天也乾象○司馬公曰雲上於亦猶是也人傑

天萬物蔭之滂沱下施萬物飲之以豐
以肥以榮以滋故君子以飲食宴樂

彖傳需須也險

在前也剛健而不陷其義不困窮矣集解

程子曰需之義須也以險

在於前未可遽進故需待而行也以乾之剛健而能需
待不輕動故不陷於險其義不至於困窮也剛健之人
其動必躁乃能需待而動處之至善者也故夫子贊
之云其義不困窮矣○朱子曰此以卦德釋卦名義纂
註李氏舜臣曰乾之三陽在下而上卦遇坤離兌則為

泰為大有為夫進无齟齬何也柔順在上而无逆也
若夫坎險在上安得冒進而不少需哉○馮氏椅曰前
遇巽則為陰小所畜前遇艮則為陽大所畜遇坎則險
陷在前而不進也○司馬公曰坎陷也而
云不陷者何也需然後進所以不陷也
需有孚光亨

貞吉位乎天位以正中也

○音訓位陸氏曰如字鄭音涖

集解

程子曰五以剛

實居中為孚之象而得其所需亦為有孚之義以乾剛而至誠故其德光明而能亨通得貞正而吉也所以能然者以居天位而得正中也居天纂註郭氏雍曰以卦位指五以中正兼二言故云正中纂註郭氏雍曰以卦五以爻言之五猶需于物故曰需須也以乾之剛健其遇險也止於不險不困窮而已則險之為義大矣能无需乎有其德以待天下之需者九五也利涉大川往有功言位乎天位以中正為需之主宜矣

功也集解

程子曰既有孚而貞正雖涉險阻往則有功也需道之至善也以乾剛而能需何所不利

○朱子曰以卦體及兩象釋卦辭

附錄

朱子語利涉大川利涉是乾也大川是坎也往有功是乾有

也輝也**小象傳需于郊不犯難行也利用恒无咎未失常也**

○音訓難陸乃旦反利用恒今本有元咎二字陸氏曰本亦有元咎者

集解

程子曰處曠遠者不犯冒

險難而行也陽之為物剛健上進者也初能需待於曠
遠之地不犯險難而進復宜安處不失其常則可以无
咎矣雖不進而志動者不能安其常也君子之需時也
安靜自守志雖有須而恬然若將終身焉乃能用常也

纂註

楊氏時曰乾道上行為常方需之時險在
前宜需而後進雖久於其所未為失常也

需于沙

衍在中也雖小有言以吉終也

○音訓衍陸氏曰以善反徐怡戰反

集解

程子曰衍寬綽也二雖近險而以寬裕居中故雖小有
言語及之終得其吉善處者也○朱子曰衍寬意以寬

居中不
急進也

需于泥災在外也自我致寇敬慎不敗也集解

程子曰三切逼上體之險難故云災在外也災患難之
通稱對膏而言則分也三之致寇由已進而迫之故云
自我寇自己致若能敬慎量宜而進則无喪敗也需之
時須而後進也其義在相時而動非戒其不得進也直

使敬慎毋失其宜耳。朱子曰：外謂外卦敬，慎不敗，發明占外之占。聖人示人之意切矣。附錄朱子語問。

敬慎曰：敬字大，慎字細。小如人行路，一直恁地去便是。

敬前面險處防有喫跌，便是。慎，慎是惟恐有失之意。錄。

孔子雖說推明義理，這般所在，又變例推明占筮之意。

需于泥，災在外，占得此象，雖若不吉，然能敬慎，則不敗。

又能忍，以需待處之，得其道，所以不凶。或失其剛健之

德，而又无堅忍之心，則不能不敗矣。文蔚問：敬慎不敗，

本義以為發明占外之占，何也？曰：言象中本纂註曰：寇

无此意，占者不可无此意，所謂占外意也。錄。

坎也。三既迫，坎則害已切，已故曰致寇至。夫坎險在外，

未嘗迫人，由人急於求進，自迫於險，以致禍敗，象以自

我釋之，明致災之由不在他人也。然於需于血，順以聽

此能以敬慎自處，則亦不至於敗也。

也集解

程子曰：四以陰柔居於險難之中，不能固處，故退出自穴，蓋陰柔一作柔弱，不能與時競，不能

處則退是順從以聽於時所以不至於凶也

纂註

丘氏曰需之二四乾坎之會也三恃健冒險而進四

據險以待乾之來聖人於三之象以敬告之能敬則不犯坎矣於四之象以順告之能順則不忤乾矣二者交盡其道此處

酒食貞吉以中正也集解

程子曰需于酒食而貞且吉者

需之要也

附錄

朱子語以正中以中正也而盡其道也

不速之客

來敬之終吉雖不當位未大失也集解

程子曰不當位謂以陰而在上

也爻以六居陰為所安象復盡其義明陰宜在下而居上為不當位也然能敬慎以自處則陽不能陵終得其吉雖不當位而未至於大失也○朱子

附錄

朱子語易曰以陰居上是為當位言不當位未詳

當音去聲音見乾卦注都浪反問不當位如何曰凡初上二爻皆无位二士三卿大夫四大臣五君位上六

之不當位如父老不任家事而退閑僧家之有西堂之類銖王弼說初上无位如言乾之上九貴而无位需之

不當位然乾之上九不是如此需之不當却有可疑二

四上是陰位不得言不當淵問王弼說初上无陰陽定

位如何曰伊川說陰陽奇耦豈容无也乾上九貴纂註

而无位需上六不當位非陰陽之位此說極好

蔡氏曰敬故未大失○愚案朱子語錄謂易中當字

皆當音去聲此以字義言若叶韻處則皆合音平聲

經三三乾上集解程子曰訟序卦飲食必有訟故受之

訟所由起也訟所以次需也為卦乾上坎下以二象言

之天陽上行水性就下其行相違所以成訟也以二體

言之上剛下險剛險相接能无訟乎訟有孚窒惕中吉

又人內險阻而外剛強所以訟也

終凶○音訓訟陸氏曰才用反爭也言之於公也鄭云

辯財也訟離宮遊魂卦室陸氏曰張栗反馬作啞

云讀為躓猶止也鄭云咥覺悔貌彖同惕陸湯歷反彖
同中陸氏曰如字馬丁仲反彖同吉陸氏曰有孚室一
句惕中**集解**程子曰訟之道必有其孚實中无其實乃
吉一句**集解**是誣妄凶之道也卦之中實為有孚之象

訟者與人爭辯而待決於人雖有孚亦須窒塞未通不
窒則已明无訟矣事既未辯吉凶未可必也故有畏惕

中吉得中則吉也終**纂註**丘氏曰字從言從公言出於
凶終極其事則凶也

非訟也○鄭氏汝諧曰坎之三爻惟二剛而无應室於
二陰之間室生訟訟生惕○馮氏當可曰有孚而室焉

故訟訟而未明則惕○胡氏允曰曲直未明故室勝負
未明故惕中吉虞芮之相遜是也終凶雍子納賂而蔽

罪邢侯**利見大人不利涉大川集解**程子曰訟者求辯
是也

於大人大人則能以其剛明中正決所訟也訟非和平
之事當擇安地而處不可陷於危險故不利涉大川也

○朱子曰訟爭辯也上乾下坎乾剛陷險上剛以制其
下下險以伺其上又為內險而外健又為己險而彼健
皆訟之道也九二中實上无應與又為加憂且於卦變
自遯而來為剛來居二而當下卦之中有有孚而見室
能懼而得中之象上九過剛居訟之極有終極其訟之
象九五剛健中正以居尊位有大人之象以剛乘險以
實履陷有不利涉大川之象故戒占者**附錄**朱子語訟
必有爭辯之事而隨其所處為吉凶也**附錄**攻責也而
今訟人攻責其短而訟之自訟則反之於身亦如此
九二正應在五五亦陽故為室塞之象淵不利涉大川
是上面四畫陽載起壓了這船重淵鉢問訟卦大旨因
言大凡卦辭取義不一如訟有孚室惕中吉蓋取九二
中實坎為加憂之象終凶蓋取上九終極於訟之象利
見大人蓋取九五剛健中正居尊之象不利涉大川又
取以剛乘險以實履陷之象此取義不一也然亦有不
必如此取者此特其一例也先生曰卦辭如此辭極齊

整蓋所取諸爻義皆與爻中本辭協亦有雖取爻義而與爻本辭不同者此為不齊整處也

易說

纂註

李氏舜臣曰訟非美事也乾父坎子豈真相違而至於

此也哉乃今涉險如此聖人重卦之象進退險阻托之

人事以為世戒云爾故曰易者象也○毛氏曰彖曰利

見大人爻曰邑人三百戶此非士庶之爭也古者諸侯

壤地相錯強弱相陵故不能無爭大人者作諸侯軌道

何敢相陵此所以為利見也然則天子者所以主諸侯

之爭有司者所以主庶人之爭也舉其大者士庶人之

訟可類推矣○馮氏椅曰天子主王朝卿士大夫與諸

侯之訟訟者也六三之食舊德從王事六四之即命上九

之錫帶皆卿大夫諸侯之事也卦特主其重者言耳士

庶可類求矣○徐氏之祥曰訟自初至五有渙為舟楫

風行水上本利涉也下四畫互未濟故有不利涉大川

象○林氏曰需訟皆有坎故有孚同坎在上而進不陷

故需曰光亨坎在下而剛見掩故訟曰室惕○熊氏曰

需訟皆由於坎坎難乾為需坎同乾為訟然大象又曰
雲上於天需則需不在乾而在坎曰天與水違行訟則
訟不徒在坎而在乾蓋大象
自為一例多不與卦同也
初六不永所事小有言終

吉集解

程子曰六以柔弱居下不能終極其訟者也故
於訟之初因六之才為之戒曰若不長永其事

則雖小有言終得吉也蓋訟非可長之事以陰柔之才
而訟於下難以吉矣以上有應援而能不永其事故雖
小有言終得吉也有言災之小者也不永其事而不至
於凶乃訟之吉也○朱子曰陰柔居下不能終訟故其
象占**附錄**朱子語此爻是陰柔之人也不會十分與人
如此**附錄**訟那人也元十分傷犯底事但只略去訟之
才辯得明便止所纂註楊氏萬里曰才弱而位下才弱
以曰終吉也輝纂註者有慙忿而元遂心故雖訟而
不永位下者敢於微愬而不敢於大訟故雖有言而小
不永則易收小言則易釋所以終吉○毛氏曰不永謂

柔小亦柔也。所事爭辯之事有言訟訴之言也。○雙湖先生曰：需二小有言，小指六四，四當互兌口。此爻小有言，以初動亦成兌。小指六三，三當變兌之口。○九二不蘭氏曰：六爻唯初與三陰柔而不爭，故不言訟。九二不克訟，歸而逋，其邑人三百，无眚。

氏曰：生領反子夏傳云：妖祥。

集解

程子曰：二五相應之地，而兩剛不相與相

訟者也。九二自外來以剛處險，為訟之主。乃與五為敵，五以中正處君位，其可敵乎？是為訟而義不克也。若能知其義之不可退歸而逋，避以寡約，自處則得无過。青也。必逋者，避為敵之地也。三百戶邑之至小者，若處強大是猶競也能无青乎？青過也。處不當也。與知惡而為有分也。○朱子曰：九二陽剛為險之主，本欲訟者也。然以剛居柔得下之中，而上應九五陽剛居中，勢不可敵，故其象占如此。邑人三百戶邑之小者，言自處卑約以

免災患占者如

附錄

朱子語問三百戶解者牽強曰如是則元青矣此解時只得說小邑常以為易有

象數者以此何故不言二百戶以其有定數也聖人之象便依樣子又不似數之類只曰不克訟歸遁竄也

三百戶必須有此象今不可考王輔嗣說得意忘象是要忘了這象伊川又說假象是只要假借此象今看得

不解得恁地全元那象只是纂註蔡氏曰克能也位柔不可知只得且從理上說淵故不克遁逃也隱兩

柔之中有遁象邑內地退處卑小故元青○東鄉氏曰坎為隱伏遁逃之象○徐氏曰退處卑小示屈服之意

也苟猶處大邑雖曰退聽迹尚可疑如都城百雉足以偶國臧武仲據防請後豈理也哉○蘭氏曰二為遠臣

大夫之位古者大夫食二百八十八人之祿三百戶其舉全數乎○馮氏持曰易有累卦以起義者乾坤後凡

六坎而訟其四也九二其坎主乎凡一坎坤之策二則四十有八乾之策一則三十有六今三文之策總八十

四坎之策為三百三十六二為訟之主而其策則乾則三十六之數也歸而逋之則餘策三百戶之象朱子曰三百戶必有此象今不可攷然愚所聞則傳邵堯夫之數學者也又曰此卿大夫有位者之訟也○雙湖先生曰邑本坤象三爻三百戶象今以九居二如歸逋於三百戶邑內之象青目翳疾二四互離目三不正本合有青以二得中故无青六爻自五君外上不足言初三四吉二僅无青者以犯分於先不克而後逋竄非本无訟上之心也易於

六三食舊德貞厲終吉集解

程子曰三雖居

剛而應上然質本陰柔處險而介二剛之間危懼非為訟者也祿者稱德而受食舊德謂處其素分貞謂堅固自守厲終吉謂雖處危地能知危懼則終必獲吉也守素分而无求則不訟矣處危謂在險而承乘皆剛與居訟之時也

或從王事无成集解

程子曰柔從剛者也下從上者也三不為訟而從上九所

為故曰或從王事无成謂從上而成不在已也訟者剛健之事故初則不永三則從上皆非能訟者也二爻皆以陰一作處柔不終而得吉四亦以不克而渝得吉訟以能止為善也○朱子曰食猶食邑之食言所享也六三陰柔非能訟者故守舊居正則雖危而終吉然或出而從上之事則亦必无成功占者守常而不出則善也

附錄

朱子語問本義謂必无成功似與象辭從上吉也之意不協又與坤六三文言亦不協竊意本義是

直作占辭解如此未知是否荅云易中經傳不同如此處多且兼存之然經意是本傳辭是第二節話也淵

纂註

馮氏椅曰此无訟之象人臣食舊邑之食古者度德而受祿故曰食舊德此卿大夫之位也○石氏

曰六三順以從上故得保其舊日之祿位○項氏曰三之舊德坤也坤中爻動成坎初六六三皆舊德也曰貞曰或從王事无成皆六三之舊辭故聖人引以實其義○易氏曰三不言訟无訟也陰居陽位宜於食舊德而

己○龔氏曰王指五而言三以陰居陽與五非應故曰
或從言或然而非必也○雙湖先生曰案項氏又謂三
上皆稱或三或從與上從事上或錫三錫之愚謂非應
故稱或三上皆非五應故云三或從五五或錫上食坎
象貞厲戒之以貞
九四不克訟復即命渝安貞吉
訓復

尚厲况不貞乎

九四不克訟復即命渝安貞吉

○音復

陸氏曰音服後同者更不音渝
陸氏曰以朱反變也鄭云然也

集解

程子曰四以陽剛而居健體不得中

正本為訟者也承五履三而應一有於字初五君也義
不克訟三居下而柔不與之訟初正應而順從非與訟

者也四雖剛健欲訟无與對敵其訟元由而興故不克
訟也又居柔以應柔亦為能止之義既義不克訟若能

克其剛忿欲訟之心復即就於命革其心平其氣變而
為安貞則吉矣命謂正理失正理為方命故以即命為
復也方不順也書云方命圯族孟子云方命虐民夫剛
健而不中正則躁動故不安處非中正故不貞不安貞

所以好訟也若義不克訟而不訟反就正理變其不安
貞為安貞則吉矣○朱子曰即就也命正理也渝變也
九四剛而不中故有訟象以其居柔故又為不克而復
就正理渝變其心安處於正之象占者如是則吉也

附錄

朱子語復即命渝言復就命而變其不順之命淵
問易最難點如訟九四不克訟句復即命句渝句

安貞句吉六三食舊德句貞句厲終吉句曰厲自是一
句終吉又是一句易辭只是元排此幾句在此伊川作
變其不安貞為安貞作
一句讀恐不甚自然
纂註張子曰體健而此於三理
曰二與五訟四與初訟其與為敵者強弱不同而皆曰
不克者蓋二以下訟上其不克者勢也四以上訟下不
克者理也二見勢之不可敵故歸而逋竄四知理之不
可渝故復而即命二四皆剛居柔故能如此○項氏曰
訟爻皆以祿位為象二有邑户三有食上有錫帶則四
命亦爵命也九德為剛其命數居四為柔雖為居所移

而不克訟然不正之人懼不能長守若能自復於正就其所不得之命變為六四則以柔居柔既安且正長无好訟之失矣蓋以渝字發逐爻自變之例也○雙湖先生曰案項氏說似通爻三渝字豫上六隨初九皆以變爻論矣此爻不正

九五訟元吉集解

程子曰以中正居尊位治訟者也治訟得

其中正所以元吉也元吉大吉而盡善也吉大而不盡善者有矣○朱子曰陽剛中正以居尊位聽訟而得其平者也占者遇之訟

附錄

朱子語訟元吉便似乾之利而有理必獲伸矣見大人有占无象者爻便是

象訟元吉九五便是淵此爻便似乾九二坤六二爻有占无象蓋爻便是象訟元吉便是占淵

纂註

毛氏

曰使小民无爭安用有司使諸侯无爭委裘可也然則天下不能无爭勢也所以利見大人者利其主之也又曰九五乃聽訟之主刑獄之官皆足以當之不必專謂人君然人君於訟之大者如刑獄亦豈得不聽政之王

制周官蓋可見矣所謂罔攸兼于庶獄獄事之小不必聽者也又曰朱子曰筮者遇之訟而有理必獲伸矣乃元滯碍蓋訟者遇此爻則為利見大人之中正曲直必定乃所謂元吉也元亦有為首義○游氏曰訟而有孚猶且窒惕中焉則吉終焉則凶自元元吉之理九五聽訟之主非身有訟者也○雙湖先生曰九五聽訟之主訟元吉亦為占者人有正直之事

上九或錫之鞶帶終

朝三褫之

○音訓錫陸氏曰星歷反又星自反賜也鞶陸氏曰步干反馬云大也王肅作鞶晁氏曰

說文作鞶大帶也易或錫之鞶帶帶今本作帶陸氏曰音帶亦作帶晁氏曰案帶篆字終朝陸氏曰馬云旦至食時為終朝三陸氏曰息暫反或如字褫陸氏曰徐敕紙反本又作褫音同王肅云解也鄭本作挹徒可反晁氏曰案如挹紳集解程子曰九以陽居上剛健之極又之挹乃得象意

剛強窮極於訟取禍喪身固其理也設或使之善訟能
勝窮極不已至於受服命之賞是亦與人仇爭所獲其
能安保之乎故終一朝而三見褫奪也○朱子曰鞶帶
命服之飾褫奪也以剛居訟極終訟而能勝之故有錫
命受服之象然以訟得之豈能安久故又有終朝三褫
之象其占為終訟无理而或取勝然其所得終必失之
聖人為戒附錄朱子語問觀訟一卦之體只是訟不可
之意深矣成初只不永所事九二不克訟六三守
舊居正非能訟者九四不克訟而能復就正理渝變心
志安處於正九五聽訟元吉上九雖有鞶帶之錫而不
免有終朝之褫首尾皆是不可訟之意故彖曰終纂註
凶訟不可成此語豈即本義所指卦體邪曰然錄纂註
郭氏忠孝曰鞶帶大帶也男子帶鞶婦人帶絞蓋爵命
之服非以賞訟○王氏宗傳曰鞶帶不純乎剛亦不純
乎柔而為中體之飾六三之象也三本從上上以其間
於二剛疑其有上下之交也而終訟之○雙湖先生曰

輦帶指六三言三五離體離為牛故有輦帶象然三上正在應體不當言或豈帶在三錫之者五邪况命服之飾非五不能錫也○馮氏持曰三居下卦之終終朝之象自三至上歷三爻三禡之象又曰或曰初六上九不能元訟明矣而爻不言訟何也曰訟之本末起義也初不言訟杜其始也上不言訟惡其終也○南軒張氏曰六爻兩相訟者也以初六對九四剛柔不敵矣故初不能永所事而四亦復即命焉以六三對上九剛柔不敵矣故六三但食舊德而上九錫之輦帶焉以九二對九五雖兩剛相敵然尊卑之分嚴不可犯故九二歸而逋而九五得元吉焉。楊氏文煥曰訟以平曲直也聖人不嫌訟而嫌終訟六爻五為聽訟之主餘皆訟者大抵陽爻好訟陰爻不好訟訟有勝者有不勝者要之於初不永所事二不克而逋三從上而吉四即命而渝上得服而禡其皆不終於訟者乎

大象傳天與水違行訟君子以作事謀

始集解

程子曰天上水下相違而行二體違戾訟之由也若上下相順訟何由興君子觀象知人情有

爭訟之道故凡所作事必謀其始絕訟端於事之始則

訟无由生矣謀始之義廣矣若慎交結明契券之類是

也○朱子曰天上水下其行

相違作事謀始訟端絕矣

附錄

朱子語天自上去水

作事謀始言觀此等家便當每事謀之於其始易說

弼言有德司契是借這箇說言自家執這箇契在此人

來合得我便與他自家先定

纂註

楊氏時曰天左旋而

了這是謀始司契底意思

至於違行而後謀則无及矣○項氏曰乾陽生於坎水

坎水生於天一乾坎本同氣而生者也一動之後相背

而行遂有天淵之隔由是觀之天下之事不可以細微

而不謹也不可以親暱而不敬也禍難之端夫豈在大

曹劉共飯地分於匕筯之間燕史滅宗忿起於笑談之

頃謀始之誨豈不深切著明乎作又屬乾謀又屬坎○

都氏曰天為三才之始水為五
彖傳訟上剛下險險而

健訟集解

程子曰訟之為卦上剛下險險而又健也又

而不險不生訟也險而不健不能訟也險而
又健是以訟也○朱子曰以卦德釋卦名義附錄朱子

上剛下險是屬上句險
而健訟是屬下句錄訟有孚窒惕中吉剛來而得中

也集解

程子曰訟之道固如是又據卦才而言九二以

中實之象故為有孚處訟之時雖有孚信亦必艱阻窒
塞而有惕懼不窒則不成訟矣又居險陷之中亦為窒
塞惕懼之義二以陽剛自外來而得中為以剛來訟而
不過之義是以吉也卦有更取成卦之由為義者此是
也卦義不取成卦之由則更不言所變之爻也據卦辭
二乃善也而爻中不見其善蓋卦辭取其有孚得中而

言乃善也。爻則以自下。附錄朱子語問。訟卦剛來而得

訟上為義所取不同也。

中也。先生曰：大抵上體是

剛下體是柔。一剛下而變柔，則為剛來。今訟之上體是

純剛，安得柔之剛來邪？以熹觀之，訟卦本是遯卦變來。

遯之六二為訟之六三，其九三却下而為九二，乃為訟

卦。此類如柔來而文，剛分剛上而文，柔與夫剛自外來

而為主於內，皆是如此等處。須畫圖子便極好看。又曰：

若如先儒說，則多牽強矣。時舉錄問卦變之義，先生曰：

此訟卦變自遯而來，為剛居二。此是卦變中二爻變者，

蓋四陽二陰，自遯來者十四卦。訟即初變之卦，剛來居

二，柔進居三，故曰纂註。蔡氏曰：剛來得中，乾自外來，交

剛來而得中，易說。坤而為坎也。諸卦言往來上下

多主本卦剛柔相交而言。如隨、蠱、賁、渙之類，是也。惟訟

與元妄上乾下坎，震一剛自外來，非由本卦來往，故訟

曰：剛來元妄，曰剛自外來。○雙湖先生曰：夫子於彖傳

中論卦變，始此。訟泰否隨蠱噬嗑賁元妄大畜咸恒晉

睽蹇解升鼎漸渙凡十九卦多夫子所自取文王卦辭中有不取變義者此不盡同於前聖處也蔡氏所釋卦變與本義不同然變例无適終凶訟不可成也集解

程子

曰訟非善事不得已也安可終極其事極意於利見大其事則凶矣故曰不可成也成謂窮盡其事也

人尚中正也集解

程子曰訟者求辯其是非也辯之當乃中正也故利見大人以所尚者中

正也聽者一有或字非其人則或不

得其中正也中正大人九五是不利涉大川入于

淵也集解

程子曰與人訟者必處其身於平安之地若陷危險則陷其身矣乃入于深淵也卦中有

中正險陷之象○朱子曰纂註馮氏倚曰淵謂坎水之以卦變卦體卦象釋卦義深○單氏曰大人九五

是也中則无過正則不偏以此決訟故可尚而利見之不利涉大川坎在下也坎在下而不得其所濟則入于

淵矣 小象傳不永所事訟不可長也 集解程子曰六以柔

義固不可長永也永其訟則不勝而禍難及矣又於訟之初即戒訟非可長之事也 雖小有言其

辯明也 集解程子曰柔弱居下才不能訟雖不永所事

事又上有剛陽之正應辯理之明故終得其吉也不然其能免乎在訟之義同位而相應相與者也故初於四

為獲其辯明同位而不相得相 不克訟歸逋竄也○音

訟者也故二與五為對敵也 陸氏曰七亂反徐 集解程子曰義既不敵故不能

又七外反逃也 訟上患至掇也○音訓掇陸氏曰徐都活反說文

拾掇而取之言易得也 程子曰自下而訟其上義乖勢屈禍患之至猶 食舊德

從上吉也集解

程子曰守其素分雖一元雖字從上之一元之字所為非由己也故无成而終

得其吉也○朱子曰從上吉謂隨人則吉明自主事則无成功也

附錄

朱子語食舊德從上吉也是自

做不得若從隨人做方為得吉之道

易說復即命渝安貞不失也集解

程子曰能

如是則為无失矣所以吉也

訟元吉以中正也集解

程子曰中正之道何施而不元

吉○朱子曰中則聽不偏正則斷合理

纂註

馮氏椅曰以此聽訟故元吉爾身克正罔敢不正民心罔

中惟爾之中此訟之主

以訟受服亦不足敬也集解

程子曰窮極訟事設使受


服命之寵亦且不足敬而可賤惡况又禍患隨至乎

周易經傳集程朱解附錄纂註卷二

謹案第十四頁後三行然後乃終有慶也刊本終有訛有終今改

第十九頁後八行敬立而內直刊本內直訛直內據程傳改

第六十四頁後二行何故不言二百戶以其有定數也刊本二訛千據語類改





總校官庶吉士臣張能照

校對官檢討臣王鍾健

謄錄監生臣王心仁